





TENTAMEN PHYSIOLOGICUM

DE

MENSIBUS.



TENTAMEN PHYSIOLOGICUM  
INAUGURALE,

DE

MENSIBUS;

*quod,*

ANNUENTE SUMMO NUMINE,

EX AUCTORITATE DIGNISSIMI VICE-CANCELLARII

GULIELMI TAYLOR, S. S. T. P. P.

ET COLLEGII GLASG. PRÆFECTI;

NEC NON,

AMPLISSIMI SENATUS ACADEMICI CONSENSU,

ET

NOBILISSIMÆ FACULTATIS MEDICÆ DECRETO;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS RITE ET  
LEGITIME CONSEQUENDIS,

IN COMITIIS UNIVERSITATIS GLASGUENSIS,

ERUDITORUM EXAMINI SUBJICIT

MARCUS HORNE REID,

ANTIGUENSIS,

AD DIEM XIII. OCTOBRIÆ, HORA LOCOQUE SOLITIS.

---

---

*Ex naturæ legē supervenit.*

HALLER.

---

---

GLASGUE:

JOSEPHUS J. ET J. CRYMCHUR, ACADEMIA TYPOGRAPHICA.

1803.

c



AMICIS SUIS SPECTATISSIMIS

THOMÆ & BENJAMINI SCOTLAND

ARMIGERIS

ANTIGUENSIBUS,

EO QUO PAR EST OBSEQUIO,

HOC TENTAMEN

TESTIMONIUM

SUMMÆ OBSERVANTIÆ ET GRATI ANIMI

D. D. CQ.

AUCTOR.





HÆC, ut potero, explicabo; nec tamen, quasi Pythius  
Apollo, certa ut sint et fixa quæ dixero; sed ut Homun-  
culus unus e multis probabiliora conjecturâ sequens.

CICERO.

1874  
The first of the year was a very dry one, and the  
ground was very hard, and the water was very  
low, and the crops were very poor.  
The second of the year was a very wet one, and the  
ground was very soft, and the water was very  
high, and the crops were very good.  
The third of the year was a very dry one, and the  
ground was very hard, and the water was very  
low, and the crops were very poor.

# TENTAMEN PHYSIOLOGICUM

DE

## MENSIBUS.

---

---

MARCO HORNE REID, AUCTORE.

---

---

AD causas rerum investigandas mens humana vi quâdam insitâ impellitur. Rusticus æque ac philosophus, immo et omnes quot sunt, quotque fuerunt homines de causis rerum inveniendis, ut vel etiam desiderio satisfaciant, solliciti videntur, quemadmodum cecinit poeta,

Felix, qui potuit rerum cognoscere causas.

B

Ab ipsis artium incunabulis plurimæ provenere opiniones, aliæ aliis succedentes : homines enim eximio etiam ingenii acumine pollentes, illud, quod minime causa fuit, pro causa ducentes varios induxisse errores et in contrarias etiam philosophandi vias abiisse constat. Hinc est quod quæ opiniones alio sæculo viguerunt, alio senescunt, florentibus jam novis, quæ et ipsæ recentioribus cessuræ senescunt.

Exemplum hujusce rei nusquam clarius quam in physiologia, et in nulla physiologiæ parte, quam in quæstione de mensibus muliebribus datur. Quanquam enim in omni fere ævo causam et naturam mensium muliebrium viri docti explicare sint conati, et super hac re multum ingeniose fati differuerint ; medici tamen certant et adhuc sub judice lis est.

Menstrualis fluxus dicitur profluvium illud, quod foeminis, quæ nec gravidæ sunt, nec lac præbent, singulis mensibus accidere solet. Circa

pubertatem incipiunt fluere menses: non tamen omnibus eadem est ætas pubertatis, sed in diversis regionibus diversa est, unde fit quod fœminæ ubique eâdem ætate menses haud patiuntur. Adventante senectute fluere desinunt menses, quo maxime tamen tempore adventantis senectutis ab ortu plurimum pendet, quo citius aut serius incipiunt eo citius aut serius desinunt.

Antiquissimi scriptores, qui de menstruis verba fecerunt, inesse iis aliquam malignitatem credidisse videntur. Apud judæos legumlator de menstruali fœmina, ejusque purificatione, de omni quod attactu ejus pollutum habebatur, plurima sanxit \*. Plurima etiam Plinius profert, quæ ad eandem rem spectant. Omnes tamen alios medicus ille Delphenfis De Graaf superat, qui de menstruorum malignitate vana plurima et inepta tradidit quæ experientia neotericorum prorsus respuit.

Primus, credo La Motte aliquam malignitatem

---

\* Vide Levit. cap. xv.

menstruis inesse negare ausus est; et nostris quidem temporibus opinio ista malignitatis omnino rejicitur, et nulla jam amplius ratio affertur, quare fluxum illum prorsus esse innoxium ne credamus.

In temporibus, cum ex vagis analogiis opiniones sibi homines finxerunt, mensium causam lunæ attributam esse videmus. Vis enim illa et impulsus quem in Epilepticos, maxime vero in mare lunam existimabant habere, hanc sibi conclusionem firmare videtur. Sed si ex eadem causa pendent fluxus menstrualis et æstus marinus, fluxum menstrualem ibi esse maximum oportet, ubi maxime cresceret æstus. In tropicis tamen, ubi æstus maris minimi sunt, foeminæ multo magis menses patiuntur quam in arctico circulo, ubi maximi sunt æstus. In frigidis regionibus foeminis parcius rariisque menstrua accidunt. Omnes foeminas ejusdem ætatis et temperamenti eodem tempore menstrua non pati, experientia comprobavit, quod fieri tamen oportuit, si hujus theoriæ principia ve-

ra essent. Nam si vera essent inquit Doctor Denman, quare ex iisdem principiis fluxum menstrua-lem viris aliisque animalibus non accidere videmus?

Eas functiones Œconomiae Animalis, quarum causa incognita fuit, ad fermentum referre physiologi scriptores consueti fuerunt. Non itaque mirum est eosdem scriptores hac voce uti ad explicanda menstrua.

Auctores qui huic opinioni favent rationem reddere hujus fermenti multum laborant: fermentum quoddam esse foeminis proprium \* quidam statuunt, alii bili fermentum hoc attribuunt †, alii denique fermentum sui generis esse dicunt ‡. Sed ut de re quæ jamdudum falsa invenitur nihil dicam, quare rogo prius definit hoc fermentum, quam tota mas-

---

\* Charleton et Bayle.

† Drake.

‡ De Graaf.



sa sanguinis afficitur, et quare tam regulariter reddit? Eâdem ratione nullam rem aliam fermentescere videmus et dicere hoc esse foeminis fermentum sui generis, est nihil ad rem dicere.

Ex quibusdam circumstantiis medici fluxum menstrualementem ex plethora oriundum esse et naturam hoc fluxu se sublevare opinati sunt. Clb. Friend inter eos scriptores, qui hanc opinionem tuentur, est longe præstantissimus. Corpora mulierum humidiora esse ait quam virorum, vasa teneriora et ad res gerendas foeminas minus esse aptas, hinc non satis perspirare foeminas ad tolendum superfluam alimenti partem judicat, quæ quum cumuletur, plethoram generalem facit, quæ uteri arterias capillares adeo urget ut fluxus vasa suo onere levans exinde sequatur.

At tamen argumentum quod vir doctissimus Doctor Drake contra hanc opinionem attulit, satis validum videtur: si enim ex plethora fluxus menstrualis penderet, necesse est, ait ille, signa grada-



tim oriri et plethoræ signa prius subesse quam periodi explerentur, contra quod experientia ubique docuit. Pluribus enim fœminis menstrua accidere solent sine ulla prævia indicatione. Attente si satis signa consideremus quæ vel spatio unius horæ menstrualibus suboriuntur, difficillimum erit nobis explicare superfluam illam molem materiæ, quæ temporis tam arcto spatio talem tantamque mutationem molitur. Fœminas macie et debilitate attenuatas menses regulariter etiam pati satis constat: et sanguinis detractio priusquam menses fluere incipiunt, quo minus redeant, non prohibet.

Hæc opinio naturæ benignitatem in fœminis non adstruere, sed destruere potius videbitur. Quare enim in fœminis potius quam in maribus plethora locum habeat, quoniam a plethora in fœminis vasa corroborando cavetur? Consilio tamen naturæ de mensibus accuratius perspecto, cogemur dicere naturam quid aliud sibi velle hac in re, quam meram evacuationem inutilis cujusdam coctionis sanguinis.

Naturam semper sibi similem et consonam ait maximus philosophorum Newtonus : dictum non magis verum in universa compage rerum quam in corporis humani compage.

Hanc opinionem ut obscuram et difficiles explicatus habentem abdicavere viri docti, et, aliam faciliorem multo et uti credunt ad rei naturam congruentem attulerunt : asserunt nempe plethoram uteri vasis subesse. Hæc quidem opinio a temporibus Galeni invaluit, hanc opinionem plurimi et doctissimi medicorum nostrâ etiam ætate sunt amplexi, et quibus potuerunt argumentis defendere sunt conati.

Clar. Cullenus observat \* incrementum corporis pendere ab aucta quantitate fluidorum, unde vasorum et singularium partium totius corporis incrementum obtinet, hanc evolutionem partium ut ipsissimis auctoris verbis utar, non ex æquo uno eo-

---

\* Vide Hamilton's Midwifery, p. 56. Edinb. 1784.

demque tempore in singulis corporis partibus, sed in ordine juxta magnitudinem et densitatem vasorum et stamina primaria locum habere. Hac ratione singulæ corporis partes sic gradatim evolvuntur donec in eam distentionem perveniant quæ necessaria est ut partes singulæ ratione densitatis et resistentiæ mutuo quasi in equilibrio sibi respondent. Hinc arguit vir clarissimus in incremento corporis affore tempus, cum vasa uteri turgida fiant donec quasi in equilibrio ad alias partes respondeant, et hæc vasa eâ indole esse, ut distentio illorum extremitates aperiat, et ex distentione actio vasorum sit aucta, ut hæmorrhagia exinde sequatur. Hæc vasorum plethora, ait ille, evacuationem sanguinis gignit, hæc evacuatio iterum vasa inania et laxa, si cum aliis partibus corporis comparentur, reddit : hæc vacuitas et laxitas vasorum aliam sanguinis congestionem in vasibus parit, donec iterum adeo distendantur ut hæmorrhagia locum habeat. Quare vero singulis mensibus fœminæ menstrua patiantur, auctor ab equilibrio partium et proportionem vasorum uteri cum aliis

corporis partibus plurimum pendere judicat. Hanc causam esse fluxius primæ periodi statuit vir clarissimus, quæ quem semel obtinuerit et regulariter aliquo tempore processerit habitum in corpore humano plurimum posse judicat, quare regulariter deinceps fluant, quamvis plurimæ mutationes corpori interea acciderint.

Huic opinioni quamvis aliarum longe ingeniosissimæ multimodis objicitur. In omni alia hæmorrhagia ruber sanguis fere semper instanter conspicitur, aliquot diebus tamen priusquam menstrua apparent, humor serofus albicans effluit priusquam ruber color obtinet \* ; et signa comitantia fluxum menstrualem diversum esse ab omni alia hæmorrhagia satis indicant. Ex principiis hujus theoriæ virgo debet esse matura ut sanguis ad vasa uteri propellatur. Attamen in regionibus calidioribus menstrua puellis adhuc crescentibus incidunt.

---

\* Vide Halleri Physiologiam, lib. xxviii. sect. 3. p. 143.

Quare in omni alia hæmorrhagia nova sanguinis congestio nullum habet locum, quoniam ex alio fluxu sanguinis vasa æque vacua et laxa atque in hoc fluxu ex utero fiunt? Juxta hanc opinionem itaque quum sanguis in emanatione mensium ex ulla alia parte corporis fluit eadem effecta percipi debent, quod tamen experientia satis refellit.

Maxime tamen huic opinioni objicitur ex eo, quod quamvis sanguinem referre menstrua videntur, eo tamen longe differunt, quod menstrua nec coagulantur nec putrescunt: hinc jam tandem alia invaluit opinio quod fluxus menstrualis non tam sanguis est habendus, quam sanguinis secretio.

Natura modusque secretionis minime nobis innotescunt; secretionem tamen sic definit Doctor Barclay \*, ut functio sit, in qua pars à toto separatur cum quadam qualitatum mutatione. Hæc ita-

---

\* Vide Encyc. Britan. Art. Physiology.



que argumenta nobis satis persuadent menstrua pro secretionem esse habenda.

Sanguinem missum cito coagulari scimus: in corpore etiam aëri si expositus sit sanguis, extra vasa coit, ut in casu hæmorrhagiæ in cavitatibus internis: imo in vasibus sanguis coit, si ex linea circulationis sit, sicuti in aneurismis.

In eo tamen quod menstrua non coagulantur facile ab hæmorrhagia uteri distinguuntur. Menstrua non putrescere satis notum est: complures enim annos in phiala occlusa mutationem fere nullam subierunt\*. Experimentum etiam à Doctore Clark, Londinensi, institutum huic rei fidem facit, qui menstrua à fœmina cujus hymen non perforatus fuit in phialam excepta diu servavit: hinc solvitur dubium Doctoris Denman rogantis an menses inter fluendum mucum vaginæ secum vehentes

---

\* Hanc rem testatur in prælectionibus suis vir sedulus et multæ experientiæ Jacobus Towers, Glasguensis.

coagulari impediuntur\*? In casu etiam uteri inversi menstrua ex superficie uteri rorantiâ conspiciebantur, quæ quidem res omnem disputationem tollit ex utero an ex vagina menstrua fluunt †?

Auctores vero qui menstrua a potestate lunæ à fermento aut à plethora pendere putant, morbos in menstruales incidentes explicare fatis nequeunt. A secretionem vero oriri menstrua comprobare analogia videtur: alias enim secretiones interdum vel obstructas vel auctas vel vitiatas videmus.

Animi motus secretionem multum afficiunt, in mensibus etiam plurimum posse fatis notum est.

Secretionem testium mens multum afficit et mentem iterum secretio: in puero jam pubere semen testes secernunt, hinc menti res venerea occurrit, et quo magis una cum pulchris foeminis sit,

---

\* Denman's Introduction to Midwifery, vol. i. p. 167.

† Towers in Prælectionibus, et Dr. Clark in MS.

lascivia quædam scripta legat, eo magis venus adest : quam potestatem in corpus exerceat animus, et quæ vi suâ interdum efficiat, nemo non sentit juxta illud poetæ,

Castum cum corpus, adultera mens est \*

Menses circa pubertatem fluere, pubertatem vero ex regione et constitutione corporis pendere supra vidimus. Quin porro citius fluere menses in foeminis, quæ liberius cum juvenibus misceant et lautius educatæ fuerint, satis notum est †. Animi motus plurimum posse in menstruâ eorumque morbis hæc clare indicare videntur ‡. Novus quidam auctor foeminas maribus comparans tempore pubertatis de morbo chlorosi sic verba facit ||.

“ But the case of the female is widely different.  
 “ Being in general endowed by nature with keen

\* Ovid. Eleg. iii. 5. Vide Hor. Sat. i. 5. 82.

† Vide Dr. Brown Elementa, par. iv. § 526, &c.

‡ Vid. ib. § 530.

|| Med. et Phys. Journal, vol. iii. p. 107.



“ feelings, and a warm fancy, but, above all, hav-  
“ ing received from her preceptors and others,  
“ high notions of the extreme delicacy and cir-  
“ cumspection required of female deportment, she  
“ sees herself placed upon a pinnacle, where she is  
“ viewed by all around her with the most scruti-  
“ nizing eye, and from which the least lapse of  
“ conduct would precipitate her into utter con-  
“ tempt. She cannot enter into those active du-  
“ ties that engage the attention of the male, and  
“ render him, if prudent, independent. She is  
“ precluded from being ever the first in those ad-  
“ vances, which lead to that tender and lasting  
“ union of the sexes, to which we are so strongly  
“ prompted by nature, and which constitutes so  
“ great a share of our happiness.

“ In this respect, she feels entirely dependant  
“ upon others ; and that in a great degree it does  
“ not rest with herself, whether she is even to taste  
“ the sweets of matrimony, or to lead an insulated  
“ life ; without a tender friend to be her confident

“ and supporter, and without the dear pledges of  
“ such a friendship, to be the solace of her declining  
“ years. No wonder, therefore, her full bosom  
“ should swell so much with hopes and fears,  
“ occasioning that languid and desponding state of  
“ mind, in which the sympathizing body soon participates.

Idem elegans auctor similem morbum similiter juvenes, qui falsâ religionis specie decepti vitam severissimam et à voluptate alienissimam egerunt, aggredi, asserit.

Ut secretiones omnes sic quoque menses à regione et cœli tractu plurimum pendet. In Græcia, India aliisque calidioribus regionibus ad uncias sex decem, in Laplandia aliisque septentrionalibus frigidioribus regionibus ad unam duasve fluere menstrua compertum est.

Schirri et Cancer in organa secretionis præci-

pue impetum faciunt, hi morbi etiam uterum nimis frequenter afficiant.

Rogant quidam, si pro secretionē menstrua sunt habenda, quare non citius fluere incipiunt? Fœmina scilicet ante pubertatem ad procreandum inepta prorsus, menstrua verò, quemadmodum postea demonstratum ibo, uterum ad concipiendum aptum reddunt. Semen et lac secretionē esse omnibus conceditur, nec tamen ante pubertatem obtinent, quippe quæ antea necessaria non fuerunt.

Fluxum menstrualem minime censendum esse secretionem quidam arguunt ex eo, quod in amenorrhœa fluxus ille menstrualis aut saltem quid simile ex diversis corporis partibus profluere conspicitur. Quum obtinet menstruorum obstructio, ex sanguine, qui secerni debuit, plethora oritur, quæ insolitas hæmorrhagias satis explicat: hâc enim re ab aliis omnibus secretionibus nihil differunt menses, sic perspiratione læsâ, sequentur epistaxis aliæque hæmorrhagiæ.

Ad auctam secretionem significandam quæ et debilitatem gignit, vox menorrhæa adhiberi debet, et non coagulatur, quod profluxit, sed in menorrhagia uteri ex violentia; ictu, contusione, abortione aliisque causis similibus quod effluit, coagulatur: quæ res verum sanguinem fluxisse testatur naturâ diversum ab eo, quod in menorrhæa effluxit.

Alias secretiones eodem modo interdum nimis auctas esse bilis, saliva, urina et perspiratio testantur.

Leucorrhœæ duæ diversæ sunt species menorrhagia alba, et Culleni menorrhagia nabothi. Priorem vitiatam secretionem esse satis constat, et a posteriore dupliciter distingui potest,

1<sup>mo</sup>, Quod fœminis accidere solet, quæ immodica menstrua patiuntur, in Leucorrhœa enim fortiores sunt causæ.

2<sup>do</sup>, Quod menstruis finitis, manet Leucorrhœa

et regularibus periodis reditura conspicitur.

Menorrhagia nabothi, ita nempe dicta a vitiosa secretione glandularum nabothi juxta os tincæ a menorrhagia alba distinguitur,

1<sup>mo</sup>, Quod maxime et sæpe sola ante menstrua æque ac proxime post eorum fluxum apparet.

2<sup>do</sup>, Quod puellis immaturis, gravidis etiam fœminis accidit: in puellis tamen immaturis non effluunt menses, in gravidis vero ex glandulis est oriunda Leucorrhœa, minime ex ipso utero, qui omnino occlusus est.

De origine et causa menstruorum, hisce jam traditis, de utilitate eorum paucis differere a nostro proposito haud alienum videtur.



Opiniones medicorum, quæ nostrâ ætate repudiatae sunt, de usu menstruorum colligere inutile videtur. Opinionem Halleri physiologiæ peritissimi, qui foetui nutriendo inservire menstrua statuit, notare sat erit. Si vero foetui nutriendo inserviunt menstrua, quare statim a conceptu omnino effluere desinunt, quum foetus puncto non major sit, et per novem menses fluxus non amplior quadraginta quinque, aut quinquaginta unciiis ad foetum octo vel decem librarum nutriendum non sufficiat?

Menstruorum tamen verior usus uterum ad concipiendum aptum reddere videtur. Hunc usum menstruorum an Hippocrates viderit, aliorum esto judicium, cum ait non concipere foeminam nisi menstrualem. In hanc opinionem Clariss. Denman \* se inductum esse testatur, quoniam ait ille, foeminæ, quibus menstrua non adsunt, nullo modo concipere possunt. Sed etiam analogia, perget

---

\* Introduction to Midwifery, vol. i. p. 168.

ille, huic opinioni favere videtur, quædam animalia enim tempore concipiendi fluxum quendam menstruis similem habere inveniuntur, mucosum quidem, aliquando etiam in quibusdam saltem regionibus, sanguinei caloris.

Quum primum adoleverit virgo menses regulariter effluunt ad eam usque ætatem, nisi aliquis morbus impediat, in qua effœta et ad procreandum inepta fit : res ipsa itaque arguere videtur menses uterum ad procreandum aptum reddere.

In gravidis menses omnino fluere desinunt. Aliquis forte rogat quare plethora, et quæ exinde oriuntur mala, sicuti in amenorrhœa menses suppressos non sequatur? Quia in gravidis natura alias leges aliasque functiones instituit. Post conceptionem ad fœtum nutriendam, post partum vero ad lac formandum necessarius est sanguis, et secretionem lactis finitâ, menses iterum effluunt. Quum secretio lactis finitur, sanguis largior ad uterum tendit, hinc menses instanter effluere incipiunt, et

si bonâ valetudine sit, denuo concipere potest mulier.


Auctores exempla mulierum gravidarum quibus menses omnino defuerunt, et aliarum, quibus, quum lac præbent, adfuerint, adducere bene novi.

Exempla hujusmodi legem naturæ universalem minime afficiunt. Infantes interdum bicipites nasci constat, singulis tamen singula capita adesse constans et perpetuum naturæ consilium esse quis negabit?

FINIS.







DISSERTATIO MEDICA,  
INAUGURALIS,

DE

Actiōne et Ufu Emeticorum.

QUAM,

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S.S.T.P.  
CADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,  
Et nobilissimæ FACULTATIS MEDICÆ decreto;

PRO GRADU DOCTORIS,  
SUMMISQUE IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

Eruditorum examini subjicit

JACOBUS WOOD.

BRITANNUS.

Soc. Med. Edin. Soc.

Prid. Id, Septembris, hora locoque solitis.

EDINBURGI:

Apud BALFOUR et SMELLIE,  
Academiae Typographos.

M, DCC, LXXVI.

Dr. Clark  
From his Old-Friend  
James Wood

Juveni ornatissimo

ROBERTO AURIOL DRUMMOND,


ARMIGERO,

DE CROMLIX;

Hasce studiorum primitias

D. D. C. Q.

JACOBUS WOOD.



DISSERTATIO MEDICA,

INAUGURALIS,

DE

Actione et Ufu Emeticorum.

**N**IHIL magis in medico desiderari videtur, quam ut medicamentorum, quibus ad morbos depellendos uti-  
vires et effectus probe intelligat. Quin-  
m medicamenta inter se plurimum dif-  
are reperiuntur. Ea demum utilissima  
imantur, quae maxime valent corpus  
corisve flatum mutare: Et hujusmodi  
me-

medicamenta, nisi pro corporis conditione viribusque, vires exerantur, aegris perniciem; non salutem, inferre possint. Horum itaque naturam, et quemadmodum in corpus agunt, studere oportet. Neque hoc de genere insigniora habemus remedia, quam ea quae nomine Emeticorum, hoc est, vomitum excitantium, veniunt. Emetica enim, siue ad insignes eorum vires, siue ad frequentem et universalem fere usum, siue salutaes ad effectus spectetur, primum in medicina obtinent locum. Emetica itaque sequentis sermonis materiam assumpsi; pauca de eorum actione, effectibus, usu denique in morbis medendis, dicturus. Negotium vero hocce, reputans quales viri mihi iudices erunt, non sine metu aggredior, et non vetuerit pudor, inceptum relinquere. Progreffurus tamen invitatus, hoc me confolet; si quibus errabitur, si quae praetervidero, si multa a Cullenio, aut viro expertae medicae doctrinae, longe alia ratione scriberentur, ea mihi adolescenti, rem difficilem auso, condonatum iri.



Virtus est emeticorum, vomitum ciere; et vomitum ciendo aegris potissimum prodest, aut obsunt. Variæ autem, unde vomitus concitetur, existunt causæ, quas omnes, utpote ab illust. Hallero \* fuse recensitas, enumerare omitto: Neque vomitum quemlibet, sed solas vomitiones quæ in usum sanitatis per medicamenta excitantur, considerare velim.

Ad illa igitur, sequenti sermone, animum intenderem:

I. Qualia sint emetica, hoc est, quales sint res, vomitum qui remedio sit, excitantes.

II. Quo deinde pacto res emeticæ vomitum excitent.

III. Quid corpori efficiat vomitus, per has res tandem excitatus.

IV. Quinam habeantur morbi, ubi vomitus convenit, per medicamenta excitatus.

I. Ad

I. Ad res emeticas, quod attinet, eae variae et multae reperiuntur. Eas omnes enumerare, haud nostrum esse, sed auctorum materiae medicae videtur. Utilius duxero, distinctionem earum qualemcunque, quae medicinam facienti aliquantulum praeleveret, quaerere; sed hac de re ita disconvenit inter auctores, ut certum aliquid me despero adlaturum.

Non inepte dividunt auctores materiae medicae \* emetica a regno fossili petita, ab emeticis quae vegetabilis naturae sunt; quae distinctio tamen non tanti reperitur, quum ad medicinam exercendam accingimur.

Sunt quidam scriptores † ingenio pollentes, qui emetica dividunt, pro diversa eorum actione et effectibus; ut alia irritantia sint, alia evacuantia, aliaque stimulantia, &c. Ne hos quidem sequi visum est. Quid enim inter actiones diversorum emeticorum interfit, non semper liquet; ad hoc, male sibi constant differentiae haecenus propositae.

Una

\* Cullen's Mat. Med. p. 502.

† Duncan's therapeutics, vol. 2, p. 3.

Una utilis medicinam facienti videtur emeticorum divisio, in *mitia* et *drastica* \* ; etiam si certis finibus vix altera ab alteris separantur. Saepius etiam fit, ut dosin minuendo vel augendo, potius quam materiam eligendo, medicus scopum suum attingat.

Quum vero opus integrum non moliar, nec ultra generalem emeticorum usum tendere velim scribendo, complura huc pertinentia intacta relinquo ; proposito sufficere arbitratus, in oculis habere rem satis notam, actionem scil. Ipecacuanhae, vel Antimonii diversimodè praeparati, et paucorum forte aliorum, quae ad vomitum efficiendum hodiernus usus vulgo suscipit.

II. Jam, quo pacto res emeticae vomitum, in curandis morbis, excitent, considerandum : quod ut plenius fiat, phaenomena imprimis quae, emetico dato, in aegro, ante vomitum excitatum, se manifestant, percurram ; deinde vomitum ipsum peragam :

Paulo post medicamentum emeticum in ventriculo ingestum, ingratus oritur toto cor-

B

pore

\* Home's Meth. Math. Med. p. 13.

pore sensus languoris, et lassitudinis. Sensus quoque molestiae, et anxietatis, in ipso ventriculo excitatur. Simul et pulsus fit parvus, debilis, frequens, irregularis, et, oboriente nonnunquam, praecipue in fronte, sudore frigidulo, vultus expallefcit. Jam vertigine corripitur aeger, praecipue si corpus moveatur; et sensu molestiae, qui ventriculum occupaverat, in nauseam seu proclivitatem ad vomendum mutato, os simul et fauces quasi constringi sentit. Tum saliva uberius solito profluit; et nausea adaucta, in plenum vomitum tandem convertitur.

Quae ita vomitum antecedunt debilitatem corporis, tam animales quam vitales actiones afficientem, plane commonstrant; et nonnihil valent, ut suo loco ostendetur, actionem emeticorum in aperto ponere.

Vires, quibus tandem perficitur vomitio, illae sunt. Quum vomitur, conjunctim agunt et ventriculus, et diaphragma, et abdominis muscoli. Primo nisu, simul et contrahuntur diaphragma et muscoli abdominales, unde arcte comprimitur ventriculus;  
tum,



um, pyloro constricto, peristalticus ventriculi motus invertitur, hoc est, sursum dirigitur. Quarum rerum momento dum impellitur cardia, relaxatur diaphragma; et per actionem reliquarum partium adhuc persistentem, sursum evectum quicquid ventriculus continebat, ore tandem ejicitur. En actionem commendandi.

Sed qua ratione istos effectus edunt emetica, difficile est explicare; et vulgo fortassis haec res minus recte perspicitur. Quum ut plurimum emeticis insit acre quiddam, ideo existimatum est, eadem agere directe stimulando ventriculum, reliquosque concurrentes motus a consensu nervoso pendere ventriculum inter et musculos hisce motibus inservientes. Hoc speciem veri equidem habet; re ipsa tamen non ubique verum. Jam inde enim ab initio agendi, ut ex supra dictis colligere est, vires sedantes, potius quam stimulant, exerere videntur emetica; eamque esse eorum actionem primariam hinc concludere licet, quod narcotica, (quae viribus sedantibus ex confesso gaudent), quum largiore

largiore quantitate assumpta fuerint, vomitum, perinde ac aliae res emeticae, movent. Huc accedit, quod aliae debilitatis totius corporis causae, quales obtinent in deliquio animi, plerumque vomitum quoque efficiunt. Postremo, quum saepissime ingrati sapes et odores, qui non manifeste stimulant, iidemque etiam in mentem revocati, vomitum movere quibusdam possint, facile est creditu, agere emetica, non fibras motrices directe stimulando, sed sensum ingratum excitando, unde vis naturae medicatrix excitatur, quae motus producit idoneos quiddam corpori noxium removendo; variasque vires, quae ad vomitum concitandum concurrunt, ab hoc pendere, quod consensus obtinet omnium partium, quarum actione propensitates sic dictae, siue hae in stimulantibus, siue in sedantibus causis habent originem, in actum perfecte deducuntur. Haecne ratio actionis emeticorum, aliqua ex parte faciat ad effectus eorum, et effectus vomendi explicandos, non impraesentiarum statuendum; hoc tantum mihi

ibi persuasum est, eam tum veram esse, tum compluribus corporis actionibus explendis idoneam fore.

III. Actione emeticorum et vomendi ita breviter perpenſa, jam quid vomitus directe faciat, considerandum: Hique videntur esse vomendi effectus.

1. Vomendo ejiciuntur ea quae ventriculo continentur. Locus est existimandi, haud longe a saepe ventriculo perfecte pyloro evacuato. Reliquiae ingestorum, modo crudae, modo imperfecte concoctae, diu ventriculo persistunt: Id quod proximis concoctionibus ultimum obſcit. Tum consentaneum est accidere, qui mucus in ventriculum effunditur, eum saepe plus nimio ibi coacervari, et posse sensum ingratum pleni et distenti ventriculi oriri, et appetitui ciborum occurri, et hisque igitur casibus, solus vomitus ventriculum perfecte evacuare potest.

2. Evacuat etiam vomitus duodenum, et proxime superiorem intestinorum partem. Peristalticus intestinorum motus non perpetuus



tuo ad inferiora tendit ; namque saepe invertitur, idque nonnunquam toto eorum tractu, ita ut materia ex intestinis crassis sursum mota, tandem ore ejiciatur ; sed saepius certis tantum intestinorum partibus hoc accidit, et maxime ut consentaneum est credere, in superiore eorum portione. Quod esse verum, probat bilis frequenter in ventriculo praesens. Vel in sano corpore, crederemus, inverti frequenter peristalticum duodeni motum, et cum inter vomendum constet ventriculum admodum inverso motu agitari, crederemus quoque, affici eodem genere motus duodenum, proximamque intestinorum portionem, et motu eorum ita inverso, refundi ea quae contineant in ventriculum, unde cum reliqua materia ore ejiciuntur.

3. Quum vomitus concitatur, vis liquidae materiae, cui nomen est gastrico, aut intestinali liquori, quaeque ex arteriis exhalantibus derivatur, ore rejicitur. Hoc ex eo manifestum est, quod saepe multo plus fluidi vomitu rejicitur, quam ingehum fuerit, aut in ventriculum, aliasve partes ante effusum.

4. Vim

4. Vim mucī expellit vomitio e folliculis mucosis, qui numerosissimi internam ventriculi, et superioris intestinorum portionis, superficiem occupant. Non ambigitur, quin evacuationem ex arteriis exhalantibus, ac excretionem e folliculis mucosis, promoveant musculares ventriculi et intestinorum fibrae, se, ut affolet in sanitate, contrahentes. Simile item veri est, ab utroque fonte majorem fluidi quantitatem effundi, ubi hae fibrae musculares inter vomendum, validis convulsivis motibus corripuntur. Saepe accidit inter vomendum, ut cum alia materia rejecta, et muci rejecta quoque appareat. Hinc medicis saepe persuasum est, stomachum ceram mucosam ante onustum fuisse. Aliquantulum huius muci ibi potuisse ante colligi, non negatur; nihilominus constare videtur, muci rejecti majorem partem, et aliquando totum, e folliculis mucosis ipso actu vomendi elici potuisse.

5. Eliminare solet vomitus quantitatem bilis, et succi pancreatici. Necessē est, actu vomendi, arcte comprimatur vesica fellea, et copiosius liquorem suum in duodenum effundat;

fundat ; et simul hepar et pancreas, sub eadem pressione, humores suos uberius et fecerant, et in duodenum quoque emittant. Sed ut, vomitu excitato, quod materiae duodeno inclusum fuerit, in ventriculum immittitur, unde eodem vomitu rejici solet, sic reliquae materiae in ventriculum ita immixtae aliquantum intersit bilis succique pancreatici oportet. Postremo, ubi vomitus exortus sit, contractiones muscularium fibrarum duodeni convulsivae, stimulo sunt orificiis ductuum bilis et succi pancreatici ; qui stimulus, excretoriis ita inditus, partibus, ut sit, fecerantibus communicabitur, et secretionem uberiores reddet.

6. Efficit vomitus, ut toto corpore, tubo alimentario excepto, absorbentium actio augeatur. Sibi invicem, ut constare videtur, respondent excretiones et absorptio ; ita ut auctis praeter modum, quod aliquando fit, excretionibus, augeatur simul ex aliis partibus absorptio. Neque quisquam dubitat, hanc esse rationem medicinae hydropi adhibitae, qui evacuantibus, tum diureticis, tum pur-

ergantibus, &c. curatur. Haud ideo dubitatur, vomitum, quod tam saepe, ut supra dictum, fluida auctis secretionibus derivata depellit, facere quoque ad absorptionem augendam. Profecto vomitus solus saepe hydropem corpore depellit, ut medici observant.

7. Prohibet vomitus, quo minus sanguis simulatio justo in systemate venae portae evadat. Namque extremis arteriis caecis et mesentericis haud ita parvam quantitatem fluidi evocat, quae alioqui in venam portarum transmitteretur.

8. Per vomitum, promptior fit cursus sanguinis, et facilius, totis abdominis visceribus. Quid enim? Vomitu orto, diaphragma musculique abdominales valide viscera abdominis comprimunt; quumque subitis et alteris vicibus contrahantur et relaxentur, eadem viscera simul maxime agitant. Vires eorum musculorum, ita praeter modum augmentum, necesse est actionem vasorum similium viscerum abdominalium excitent adjuvent, citatiore rivo sanguinem in iis-



dem impellant, secretionefque, quae a moto sanguine pendent, ibi uberiores efficiant. Ubique in abdomine hi effectus produci poffunt, at nullibi infigniores erunt, quam in fyftemate venae portarum, ubi plusquam aliis in partibus omnia languent.

9. Vomitus etiam curfum sanguinis, secretionefque inde natas, in vifceribus thoracis adjuvat. Valida preffio quae, actu vomendi, in res abdomine contentas exeritur, neceffario sanguinem inferioris cavae velocius folito in ventriculum cordis dextrum cogit, quem hoc pacto ad frequentiores contractiones excitat. Interea temporis, infpiratio plena, et valida expiratio, quae fe alternis vicibus excipiunt, neceffario curfum sanguinis in pulmonibus accelerant, hunc ideo citius in ventriculum finiftrum effundunt, et fic cor ipfum denique excitant. Simul alterna ifta expiratio et infpiratio, quum validae fint, neceffario bronchiorum cava agitant, humores ex intimis eorum recessibus eliciunt, ubique mucofam excretionem excitant:

itant: Uno verbo, valentissimā omnium expectorantium sunt emetica.

10. Toto demum corpore, circuitus sanguinis vomendo adjuvatur. Superiore articulo explicatum, quo pacto, quum vomitur, ad validiores ac frequentiores contractiones uterque excitatur ventriculus cordis. Quae res ad circuitum sanguinis toto corpore accelerandum confert, neque huc non accedit actio complurium musculorum; inter vomitum enim, alternosque motus respirationis, singulis fere corporis partibus musculi in actum deducuntur. Hinc vomitus odem redit ac valida exercitatio. Hae musculares contractiones certe plurimum possunt, ad sanguinem celerius et in arteriis et venis promovendum.

11. A vomitu, sanguis cum majore momento, in extrema vasa summi corporis transmittitur. Quod idem efficit, quocunque modo aucta cordis et arteriarum actio; neque hac in re, sine consilio, agere videtur natura; siquidem, exinde profluente sudore, laxantur vasa, et periculosus in partes nobiliores

liores adfluxus sanguinis prohibetur. Praeterea verifimile est, actu vomendi, pleniorivo in summum corporis adfluere sanguinem, non solum ob causas jam propositas, sed ex consensu illo, quem princeps in medicina vir obtinere demonstravit, musculares fibras ventriculi inter et eas vasorum in peripheria corporis \*.

12. Copiosius item adfluere in vasa capitis sanguinem cogit vomitus. Dum plena inspiratio, unde incipit vomitionis actus, cumulationem solito in dextro ventriculo cordis, vasisque vicinis sanguinem sistit, ita liberum ejusdem e capite refluxum impediens; pressio in res abdomine contentas aortam descendantem afficere possit, et ita majorem sanguinis vim in ejusdem ramos ascendentes convertat. Hoc verò nonnisi aliquantisper obtinet. Namque proxima expiratio superiorem cavam liberat, et quae causae vomitu excitato, circuitum sanguinis, ut jam dictum, toto corpore adjuvant, eadem

\* Vid. Cullen's first lines, p. 35. et seq.



in sanguinem diutius iusto in capite coarvari haud sinunt.

13. Haud ita mediocriter agitat vomitus systema nervorum. Hoc ideo potissimum fieri oportet, quod ἐνέργεια cerebri, a prima emeticorum actione, imminuta, paulo post, vomitu pleno demum exorto, cum incitatione quadam restituitur: Qui status quidem interni cerebri, quum in ipso systemate nervoso originem habent, tum multum ab alio statu motus sanguinis in vasis cerebri, (in artic. prox. explicatum), pendere videntur. Praeterea existimandum, alternos ventriculi status, qui tam arcte aliis systema nervosi partibus connectitur, contractionesque et relaxationes tot musculorum in vomendi alterne se excipientes, etiam causas esse systema nervosum agitandi.

Talia in corpore humano efficere valent emetica et vomitus.

IV. Restat, ut consideretur, quo pacto emetica et vomitus, talia efficiendo, morbis succurrant, aut medeantur.

I. Quia

1. Quia vomitus, ad expellendum res ventriculo contentas valentissimus est, ad eum vulgo confugitur, si quando res, siue casu, siue consilio, ventriculo ingestae fuerunt, quae ibi manentes detrimento, aut exitio forent corpori. Haec res noxias enim facile erit vomitu evocare. Interdum quidem res ejusmodi ultro vomitum movent, ut corpore ante expellantur, quam nocere inceperint. Est autem ubi corpori prius nocent, quam vomitu ejiciantur. Ubi notum est igitur, noxia assumpta fuisse, aut ex symptomatibus id suspicari licet, convenit statim emeticum dare, quod excitando vomitum, noxia expellat, et effectibus eorum obstat.

Ipsis itaque rebus ventriculo haerentibus aliquando peccatur, et corpori nocetur; quotiescunque, nempe, congesta fuerit materia, sua natura corpori perniciofa. Quinetiam, materia, siue ingesta, siue ventriculo nata, siue in eum ab aliis partibus delata, quae natura est innocens, ita ex certo ipsius ventriculi statu, immutari possit, ut corpus pessime afficiat. Hujusmodi mutatio certis  
fer-

mentationibus deberi videtur, quae non modo materiae jam ingestae vitium pariunt, sed fermentum quasi suppeditant, unde quod post assumptum fuerit etiam vitiatur. Hoc casu, necessarium est perfecte ventriculum vacuare, tam ad corpus praesenti malo liberandum, quam ad recursum ejus prohibendum.

In hunc finem emetica exhibentur, quae tantum et tam subitum aegris levamen afferunt, ut vulgus medicorum, recurrente tali ventriculi malo, ad eadem avide decurrant. Quibusdam casibus, frequenter dantur emetica, et iteratur saepe vomitio. Sed vix non semper haec mala est praxis. Namque vomitio ita repetita tonum ventriculo minuit, et eidem malo eum opportuniorem reddit. Iste, ut majorem vitiatae materiae partem, ventriculo tum haerentis, eliminet vomitus; subitum tamen est, eamne materiam ita penitus eliminet, ut tantum non relinquat, quantum sit post ingestis fermento. Vomitus igitur curationem hujus morbi saepe absolvere requirit: Et culpandus est medicus, qui vomitu

mitu solo fidit, neque convenientibus remediis originariam indigestionis causam tollere conatur.

Vix necessarium videtur observare, vomitum, quum non solum ventriculum, sed etiam superiorem intestinorum partem evacuet, noxiis non solum eundem ventriculum, sed et duodenum, proximamque tubi alimentarii portionem, liberare, et ita malis eorum effectibus ibi praevertere. Tum, si recte videt Hoffmannus, causam docens intermittentium esse noxiam materiam duodeno haerentem, sequetur, vomitum, hanc materiam malam ejiciendo, valentissimum esse adversus hasce febres remedium. Quod hic dictum est, rationi febrium Hoffmanni accommodatur, quae vera sit necne, doctiores medicinae judicent.

2. Vomitus, quod res qualescunque ventriculo, certaue intestinorum parte haerentes, rejicit, et quod fluida copiosius in cava harum partium elicit, et ita evacuationem insignem efficit, iis morbis, ubi evacuatione opus est, convenire videtur.

Ubi congestio fit, et obstructio in hepate  
et pancreate, vomitus secretiones ibi auget,  
utilis est. Praecipue vero intermittentibus  
febris, ubi horum viscerum infarctus fere  
perpetui sunt, accommodatur; quippe qui  
non solum bilem, succumve pancreaticum,  
copiosius excernit, sed copiam fluidorum,  
haec in venam portarum alioquin transiret,  
arteriis exhalantibus educit et expellit. Quo  
modo, ut hae congestiones periculosae aut diffi-  
ciles, aut tolerabiliores eveniant. Non  
est re ergo adeo emeticis in curandis his mor-  
bis insistitur. Praxin sanam probare vide-  
tur natura ipsa, quae ultro in intermittenti-  
bus crebras vomitiones suscitatur.

Ut ostensum est, et vomitum quantitatem  
ita exiguam fluidorum ex sanguine,  
non directe per arterias exhalantes, quam in-  
directe per secernentes glandulas, elicere posse,  
talem evacuationem absorptionem aliis in  
morbus augere; sic constare videtur, eundem  
modum, sicubi serum copiosius justo coa-  
lescit, id est, in casu hydropis, multum et

D

utiliter



utiliter posse. Neque defunt exempla, a bonis auctoribus notata, quae hoc confirmant.

Exemplum notatu dignum videre est, in *observationibus et disquisitionibus Londoniensium medicorum*\*: Æger tum ascite, tum anasarca diu laboraverat: Et prioris levamen consecutus erat ope paracenteseos, sed anasarca manebat. At paucis diebus post paracentesin abdominis, sponte excitatus est vomitus, qui eam omnino sustulit. Rectius actionem ac effectus hujus vomitus ex verbis ipsius auctoris intelligemus: “ But, what gave me the greatest surprize was, that, from the beginning of his vomiting, his legs and thighs began to subside; and, by the time it was over, no degree of swelling remained, the skin hanging loose, though, before the vomiting, his legs were as hard as posts, and almost as big as a man’s body: The quantity of water he vomited, exclusive of his drink, was not less than fifty odd pints.”

Aliud exemplum hydropis curati, ope vomitus sponte concitati, suppeditat doctissimus

Percival,

\* London Medical Observations and Inquiries, vol. II. art. XXIV.

Percival, qui simili ratiocinio utitur ac ego  
sus sum. “ In the present case, it appears  
probable, that a sudden change took place in  
the course of circulation; the lymphatics re-  
covered their power of absorption, and per-  
formed their office with renewed vigour;  
the vascular system became overloaded, and  
the exhalent arteries of the stomach and in-  
testines poured forth the superfluous fluids,  
restoring thus the equilibrium \*.”

3. Ea vis est vomitus, ut inde insigniore  
momento per tota abdominis viscera ferantur  
fluida: Quumque fluida, inter alternas istas  
compressiones, remissionesque comprimendi,  
quae repetitis vomitionibus fiunt, non solum  
celerius ibi moveantur, sed varie agitentur,  
secretiones singulorum viscerum augeantur  
portet. Non itaque ambigitur, inter vomem-  
um languentem in venae portarum syste-  
mate sanguinem citatiore cursu propelli.  
Quod si fit, corpus chronicis istis malis, quae  
agnante in vena portarum sanguine nascun-  
tur,

\* Percival's Essays, vol. II. p. 156.



tur, minus opportunum vomitu redditur. Quando autem stagnationes et obstructions in hepate, aliove abdominis viscere, revera factae sunt, nihil magis conferre videtur ad easdem resolvendas, quam emetica, quae totum abdomen, omniaque in eo contenta, movent, comprimunt, agitant. Lienemque nominatim vomitus, quod eum comprimere potest, et forsan quod absorptionem auget, aut congestionibus liberare, aut eundem tali malo immunem praestare, creditur.

4. Neque secretiones modo, sed excretiones viscerum abdominis, adjuvat vomitus. Ut alias excretiones omittam, bilem et urinam saepe concretiones, calculum referentes, ipsa horum fluidorum receptacula occupantes, et ea magnitudine, ut ductibus excretoriis transire nequeant, excerni prohibent. Hujusmodi casibus, saepe natura sponte vomitum suscitatur, quem aequum est credere ad transitum calculis parandum excitari. Quae de causa, existimare licet, eum quoque arte excitatum profuturum. Verum quidem est, calculis urinariis aegrum vexantibus, auxili-

um

um raro medicos in vomitu quaerere ; propterea quod forsan in altero tantum uretere obstructio existit, quae ita minus periculosa est, aut quod rivulus urinae impeditus, et calculus a tergo premere, et canalis dilatationem moliri creditur. Hoc in casu, itaque, res naturae medicatrici plerumque relinquitur. At, calculo felleo praesente, fit obstructio in eo solo ductu, quo bilis excernitur ; neque bilis ita magno momento impellitur, neque ea tenuitate guadet, ut canali dilatando apta sit ; propter quae, maxime quum natura vomitum debitum rarius suscitatur, medicus necessarium ducit, vomitum arte excitare. In altero, qui a calculo in ductu communi haerente, eundemque praeccludente, per saepe oritur, quique, nisi emoto et ejecto calculo, curationem non recipit, multa nullius efficaciae proposuerunt et adhibuerunt medici. Nulla autem re, praeterquam vomitu, is morbus forsan superari potest. Vomitusque, praenissis iis quae venienti occurrunt inflammationi, aut spasmum, quo ductus praeter naturam

turam constringatur, resolvunt, moderatus, at saepius iteratus, esse debet.

6. Si sanguinis in thoracis forte visceribus stagnaverit, aut obstructio quaevis ibi facta fuerit, non alienus videtur vomitus, qui, haec viscera agitando, eam stagnationem obstructionemve tollat. Sed quinam exacte sint morbi thoracis, ubi in eum finem vomitus concitari licet, quod mihi non constat, non videtur pro certo ponendum. Unum tamen ponere libet, quod vomitus saepe utiliter thoracem agitat. Plena illa inspiratio validaque expiratio, se invicem excipientes, totam congeriem bronchiorum agitant, materiam qualemcunque ibi latentem agitatam evocant, uberiores, denique, et sic magis fluidam excretionem e folliculis mucosis excitant. Hoc pacto, ut supra dictum, prae aliis rebus, vomitus expectorat; ideoque, quum humores non sinat in pulmonibus coacervari, quum ad corporis peripheriam fluida certius impellat, et ita periculosum eorundem ad pulmones adfluxum prohibeat, idem vomitus valentissimum erit remedium adversus

is affectiones catarrhales, maximeque adversus asthma dictum pituitosum. Conveniat ne vomitus necne, incipiente inflammatione pneumonica, in medio relinquere vim. Sed, si quando, longius producto morbo hujusmodi, expectoratio, morbum plerumque solutura, inceperit, vomitus, ut mihi persuasum est, maxime eam expectorationem juvat, et morbum ad bonum exitum certius perducit.

7. Supra ostensum est, vomitum, qui totius sanguinis circuitum promovet, maximeque vasa extrema ad promptiorem actionem excitat, fluidis in peripheriam corporis certius propellendis idoneum esse. Hinc pronum est concludere, eum esse utilem iis in morbis, ubi istos effectus medicus consequi ve-

Quum febres quaelibet, maximeque intermittentes, a symptomatibus incipiant, quae circuitum sanguinis, in extremis peripheriae corporis vasis, insigniter debilem factum esse significant, haud absurdum est concludere, haec symptomata causam esse et originem symptomatum



tomatum subsequens. Si ideoque prioribus symptomatibus praeverti potest, praevertetur et subsequentibus. Sed saepe profecto, penitus ista priora originariaque symptomata prohibentur, idque per vomitum. Quocirca emetica, paulo ante intermittentium accessum exhibita, paroxysmum expectatum propulsare, et saepius repetita causam morbi tollere, observatum est. Quinetiam, tempore frigoris, quum jam atonia, spasmodum extremorum vasorum gignente, laboret corpus, si effici potest, ut spasmus modum servet, neque nimis augeatur, utque in hunc finem solitum momentum sanguini circumfluenti restituitur, e vestigio, morbus curationem integram recipere potest. Huc insigniter confert vomitus, quippe qui tempore frigoris paroxysmi intermittens per emeticum excitatus, persaepe sufficere eradicando morbo reperitur. Neque intermittens modo, sed et continuarum initiis, obstant emetica. Ita enim intelligenda quae hac de re praecipit Lindius, qui jam inde a primis continuæ febris symptomatibus emetica exhibet; et sermonem,

monem, quo eam praxim explicat, hisce  
 verbis concludit : “ The good effects of this  
 antidote (emeticum) are so well known in  
 the hospital, and have been so fully ascer-  
 ned by our repeated experience, that those  
 who are employed in the fever-wards, as  
 soon as taken sick, have immediate recourse  
 thereto, and it seldom fails to prevent the  
 effects, which was justly to be expected \*.”

Emeticis etiam plurimum fides est Hoff-  
 mannus, in febribus curandis. In disserta-  
 tione ejus, *De vomitoriorum cauto et prae-  
 cautissimo usu*, haec dixit : “ In morbis,  
 in quibus contagio serpunt, et insigniter pernicia-  
 lioribus sunt, ut pestis, petechiales febres,  
 typhus acuta cum phrenitide, sive sic dictus  
 typhus Hungaricus, emeticum, gliscente ad-  
 versus initium miasmate, cum alexiphar-  
 mico datum, summam promittit securitatem,  
 saepe numero capitales has aegritudines  
 una in herba felicissime jugulat †.”

E

Tum

\* Paper on fevers and infection, p. 66.

† Opera omnia, vol. 4, p. 731.

Tum profecto emetica valentissima esse remedia, quum initiis febrium exhibentur, non negandum. Sed ut febres persistant, ab atonia et spasmo extremorum vasorum pendentes, sic vomitus, quocunque febrium continuarum tempore, arte excitatus, singulariter efficax contra atoniam et spasnum horum vasorum reperitur. Ita magna est vis vomitus in curatione febrium.

Quum vero spasmus ille, unde febres potissimum durant, simul atque plene invaluit, non ita facile resolvatur, concludere licet, vomitum quo propior fuerit initio morbi, eo valentiolem fore. Ad hoc, licet vomitus non e vestigio morbum tollat, spasmus tamen minuere possit, eumque facilius tandem naturae medicatrici cedere cogat.

Praeterea, licet plenus vomitus insigniter ad corporis peripheriam fluida deducat, effectus ejus brevi cessant; et si, pro duratione morbi et pertinacia spasmu, repetatur, debilitatem periculosam adferre potest. Hinc creditur, emetica refracta dosi exhibita, ita ut nauseam per horas persistentem, non plenum



um vomitum suscitent, certius in bonum exitum febres perducere.

Si credatur, partem causae proximae omnium febrilium morborum, seu pyrexiarum, spasmo extremorum vasorum contineri, quod principes medici docent, vix locus sit dubitandi, quum in febribus stricte dictis, tum in reliquis pyrexiarum ordinibus, emetica utilissima esse remedia.

Compluribus quidem phlegmasiis, localis sectio plenum vomitum vetare videatur, si plus nimio sanguinis motum urgeret. Omnibus vero phlegmasiis, nisi si quae tum ipsum alimentarem occupaverint, emetica, dosibus iis quae nauseam solum creant prohibita, quum ita in extrema vasa. potius, quam in reliquum systema sanguiferum, adhibeant, summae videntur utilitatis. Neque experientia non hanc rem confirmat.

Quod vomendo, ubi apparent phlegmae, vitio vertitur, nequit in exanthematibus lere. Exanthemata enim, quia nonnisi tuto demum extremi corporis spasmo, erumpunt,

rumpunt, vomitum qui solutionem eam promoveant, plane requirunt.

At vomitus, adeo efficax, ad circuitum sanguinis adjuvandum, dubius in haemorrhagiis videri potest. Sed quia haemorrhagiae activae, morbi sunt febriles, pendentes, ut caeteri hujus generis morbi, a spasmo quo extrema vasa contracta sint, jure existimatur, haemorrhagiis talibus, emetica, quae nauseam tantum gignunt, maxime convenire; immo, vomitum plenum, plus boni, propellendo in extremum corpus fluida, quam damni, circumfluentem sanguinem accelerando, adferre. Quam utilis in haemorrhagiis plenus vomitus sit, testis est Bryanus Robinson, medicus Dubliniensis, qui plus una vice haemoptoen iterata vomitione superavit \*.

Prodesse denique in profluviis, jamdudum laus est emeticorum. Convenire vomitum in affectionibus catarrho ortis, supra explicatum. Ad dysenteriam quod attinet, satis notum est, vires específicas, adversus hunc morbum,

\* Vid. Essay on the virtues and operations of medicines, p. 146. et seq: .

morbum, quibusdam emeticis tributas fuisse. Sed simile veri est, nullas his emeticis vires inesse, quae non communiter possident omnia emetica. Experientiaque compertum, emetica quaelibet, si debito ritu exhibeantur, adversus dysenteriam esse efficacissima.

Sic rationem actionis emeticorum inire placuit: Sic ad hanc rationem usum eorum, haud ita paucis in morbis, componere conatus sum. Plura huc spectantia, nec tempus, nec breves hujus sermonis limites, proferre sinunt.

Finitum ita negotium susceptum me admonet eorum, qui studia medicinae mihi adjuverint; et, hac occasione oblata, grati animi cogitationes in medium libet proferre. Professoribus medicinae, qui hanc academiam simul et ingenis sustinent, et moribus ornant, grates dignas, ob praecepta optima, frustra alibi quaerenda, quae mihi jam per quinquennii spatium addiscendi copia fuit, persolvere nequeo. Neque gratiam ita longam habere possim honoratissimis illis Nosocomii Regii Gubernatoribus, quorum in-

signi

signi favore mihi concessum est, ut jam per triennium fere, quantum spatium in ministerio illorum versatus fui, pulchra illa praecepta, ductu praecellentium tum medicorum tum chirurgorum, curandis morbis ibi applicare discerem : Quantum autem, O decus academiae Edinburgensis, illustrissime et benignissime Cullene, tibi debeo ! ex quo professores medicinae audiendi causa huc perveni, continenter mihi optima paternaque consilia dedisti, et nihil, quod mea interesset, unquam neglexisti. Sic enimvero praeceptor fuisti, ut ne quisquam alius esse posset. Fuerit vel longa, vel brevis mea vita, ubicunque eam transferim, nunquam non Cullenum, omnibus literarum triumphis insignem, annis venerabilem, meritisque venerabiliorem, meminisse juvabit. Sed me tenuem ingenio dedecet, tantum virum laudibus efferre conari :

Illum aget penna metuente solvi  
Fama superiles.







SSERTATIO MEDICA;  
INAUGURALIS,  
DE  
NORRHOEA VIRULENTA.

QUAM,  
ANNUENTE SUMMO NUMINE,  
Ex Auctoritate Reverendi admodum Viri,  
ULIELMI ROBERTSON, S.S.T.P.  
DEMIAE EDINBURGENÆ PRÆFECTI;

NEC NON  
Amplissimi SENATUS ACADEMICI consensu,  
vniuersitatis FACULTATIS MEDICÆ decreto;  
PRO GRADU DOCTORIS,  
et OMNIBUS IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

Eruditorum examini subijcit

AMUEL GRAHAM,  
SCOTO-BRITANNUS.

Soc. Med. Edin. et Specul. Soc.

Prid. Id. Septembris, hora locoque solitis.

EDINBURGI:

Apud BALFOUR et SMELLIE,  
Academiae Typographos.

---

M, DCC, LXXVI.



Viro praeſtantiffimo

ALEXANDRO KINCAID,

ARMIGERO,

Typographo Regio apud Scotos ;

Nec non,

THOMÆ HAY,

ARMIGERO,

Chirurgo Edinenſi, in primis perito,

Affini ſuo ;

Hoc opusculum, qualecunque ſit,

Obſervantiae ergo,

D. D. C. q.

AUCTOR.

Mr. Wood

from his friend and  
fellow Candidate  
The Author.

DISSERTATIO MEDICA,

INAUGURALIS,

DE

GONORRHOEA VIRULENTA.

NUM leges hujus Academiae venerabiles  
unumquemque laureae Apollinaris cu-  
ntem dissertationem medicam aut philo-  
hicam in lucem edere jubeant, eis morem  
ere decrevi, quamvis me incepto hujusce-  
di imparem non ignoro. Nihil equidem  
vi, ut qui nondum satis sim expertus, a  
proferetur, praesertim cum curationem  
rbi, quem nonnulli e scriptoribus Euro-

A

pae

pae primariis olim nuperque executi sint, exponendam susceperim ; at juvenilis modestiae esse duxi, vestigiis alienis potius insistere, quam nova audere persequi. De remediis autem, quae in auxilium gonorrhoeae virulentae prompta sint, agere, et exempla, ubi tuto et commode adhiberi possint, depingere statui. Omnes diversas hujus morbi species haud commemorabo ; namque hoc conari limites opusculi hujuscemodi longe excederet. Igitur de ea morbi in viris specie sola differam, quae in urethra, nec prostatica nec glandulis Couperianis affectis, haud dubie sedet. Nec historiam morbi, utpote quae ab eruditissimo Astruc, multisque aliis, fusa fuerit conscripta, attingam ; nec eam quaestionem excutiam, utrum virus hunc morbum, et illud luem inveteratam faciens idem, necne sit, cum argumenta idem esse testantia, licet plurima sententiam contrariam firmandi consilio prolata sint, fundamento stabili inniti, et adhuc inconcussa manere, existimem.



## DEFINITIO.

Gonorrhoea virulenta est fluxus ex urethra, absque voluntate factus, indusia linthea admodum labe ichorosa tingens, in qua medietate reperiunda est macula colore masculina, cum gutta aliquando ejusdem maculae in urethrae ore haerente, ardore uris stipatus.

## SIGNA MORBI.

Tribus quatuorve diebus a contagione cepta, vel a tertio ad duodecimum usque, nonnullis in exemplis serius forsitan, aeternus pruritus insolitus circa penis glandem perferit, quae aliquantum tumida, et, contra consuetudinem, dura, cum rubore etis ejus extremas parvulo, evadit. Os  
urethrae

urethrae quoque solito apertius esse videtur, et paucis in exemplis testiculos sibi quasi rotari notat aegrotans. Brevi, postquam haec signa sese ostenderunt, guttula materiae, muco sano magis albae, ex urethra exprimi potest, quae parietes ejusdem propemodum conglutinat. Inter urinam reddendam dolor sensum titillationis movens, urethram extremam versus, sentitur, qui gravissimus est, dum ultimae urinae guttae excernuntur. Haec signa brevi multo graviora fiunt. Quod excernitur, non solum quantitate augetur, sed quoque tenuius evadit, et colore variat, modo flavum, modo subviride, saepe sanguine tinctum. Dolor urinam reddendi tantopere augetur, ut aegrotus ad omnes posituras diversas, quae ei succurrant, quo eam facilius excernat, quamvis frustra, decurrere cogatur; et saepe guttis ultimis nonnihil sanguinis admiscetur, adeo ut aegrotus miserandus excretionem urinae tantopere metuat, ut potionem, ne ut urina saepius reddatur faciat, reformidet. Glans penis magis magisque tumescit, et aegrotus tentigine frequente,

infrequente, praefertim inter cubandum, infestatur, quae tantum ei dolorem faceffit, ut in somnum illabi nequeat. Haec signa, per dies octo decemve, gravia manent; ex quo tempore inflammatio imminui incipit, tentigo minus frequens fit, nec tantum doloris movet, et ardor urinae non parum decrefcit. Quod folum fignum brevi fupereft, eft parca materiae albae et vifcidae excretio, quae gradatim imminuitur, et id, quod excernitur, cum urina fimul in modum duorum triumve globulorum foras tandem expellitur, et morbus nunquam, hoc in exemplo, nifi virus rurfus fuerit admotum, redit.

Hoc modo figna hujus morbi folita, eorundem duratio et finis, femet oftendere conftituerunt; fed res nonnunquam aliter fe habent. Namque modo excretio, modo ardor urinae, prius accedit; et exempla etiam non defuerunt, quanquam ea rariffima effe credam, ubi tentigo nocturna alia figna praecedunt. Nunc fluxus tantum cum ardore urinae adest, nunc ille folus; et, quod multo rarius, notae inflammationis abfque ullo fluxu non-

nonnunquam sese ostendunt. Ægrum aliquando tentant genitalium abrasiones, phymosis, vel paraphymosis, bubones, quique omnibus aliis signis gravior, testiculorum tumor, perinaei tumores, suppuratione, stranguria, ischuria et eneuresi saepe finiti. Semen nolenti, hac in morbi specie de qua agitur, nunquam profundi opinamur. Si haec signa supra comprehensa adsunt, curatio morbi semper multo difficilior et longior. Saepe morbo superest testiculi vel epididymidis durities; et bubones, quamvis rarissime, in schirrum mutant, et stranguria ardorque urinae in tempus diuturnum manent. Quod saepius, quam ullae ex hisce morbi sequelis, vel ob pravam curandi viam, vel incuriam, incidere consuevit, est humor tenuis ex urethra constanter effusus, qui nihil aliud quam materia excerni solita, reliquis signis sublati, tenuis et copiosa manens. Hic saepe annos complures manet, et medicinae aegerrime paret. Potatione nimia vel multa exercitatione, venerisve usu, augetur, et nonnunquam sanguinolentus fit; rarissime tamen dolore vel



el ardore urinae concomitatur. Noxas ab hoc morbo oriundas multos annos aegrotus perferentit; nec iis totum per vitae decursum, morbus pauculas urethrae stricturas carunculafve, uti appellantur, reliquerit, vacabit. Historia morbi ad finem perducta, proximum est, ut ad causas dicendas transeamus.

## C A U S Æ.

Utrum ullae causae proclivitatem ad hunc morbum necne dent, dictu quidem difficile; nos tamen facilius, quam alios, contagione fieri solere compertum. Quae causa morbum excitat, ea est coitus impurus; et reliquae a scriptoribus, qui de hoc morbo scripserunt, traditae, utpote quae ad morbum modicum parum sufficiant, repudiandae videntur.

Duae hujusce morbi causae, a scriptore nostro, Fordysio, prolatae, silentio non praeiudicandae; quarum unam se compertam habere, alteram a viro, cui fidem posse haberi

ri opinetur, accepisse testatur. Ejus autem verba sequuntur: "I have not only often seen the disease recur, with all the symptoms of the first stage, in consequence of a turtle-feast, but have once known a running, with inflammation, brought on by the same means, in a sober married man, who had been free from infection for many years; at least I could not trace it to any other source. I am informed, by a friend lately arrived from the islands of Bourbon, that, having one day put a parcel of the Cayenne pepper in a handkerchief round his waist, his black-servant told him it would give him the clap. He had not seen a woman for eight months before. The prophecy was fulfilled in a day or two; and he found it necessary to be cured in the common way, by the advice of a surgeon there, who said it was a very usual effect of that spice in those islands." Ad fidem cuilibet habendam quam pronus hic auctor sit, non notare non possumus, cum duas causas morbum movere putet, a quibus morbum excitari non posse a priori facile noveris.



overis. Hunc morbum igitur facit virus  
modum subtile, et si ex effectibus quos e-  
at judicari potest, e particulis acerrimis con-  
atum. Hoc urethram lacunasque ita sti-  
ulat, ut inflammationem partium cum ex-  
etione muci adaucta faciat, qui viro ad-  
istis corrumpitur et vitiatur. Omnia fere  
jijus morbi signa, ut vulgo sese osten-  
t, ab inflammatione deduci possunt. Ab  
ac ab ostiis absorbentium usque ad inguina  
ffusa, et a viri quoque absorptione bubones  
si, quos hoc in morbo nonnunquam oriri  
xerimus, proficisci posse videntur. Illud  
ecne tumores inguinum excitaverit, condi-  
o inflammationis caeterarum partium de-  
onstrabit; namque, nisi gravis sit inflam-  
atio, glandulas inguinis, judicio nostro,  
mesacere nequit. Sin vero ex hac causa  
tumuerint, absorbentia a pene ad inguen  
re tumescere et durescere comperies; quod  
em quoque, absorptione viri bubones mo-  
nte, incidere potest. Ab immunditia ori-  
tur partium abrasiones et phymosis et pa-  
phymosis; humor tenuis ex urethra con-

stanter effusus, a partium atonia, et aliquando ab urethrae ulceribus, quae haud dubie, morbo gravissimo, fiunt; et ex hac causa stricturae urethrae carunculaeque. Quinetiam ulcerum hujuscemodi cicatrices, ut incisiones Morgagnii plane testantur, ostia lacunarum, quae mucum ad urethram ab acrimonia urinae defendendam accommodatum secernunt, occludunt; quod facit, ut dolor urinam reddendi hunc morbum nimis saepe subsequatur.

## DIAGNOSIS.

Hic morbus a quolibet alio facile secernitur. Notae inflammationis partium genitalium ad eum a qualibet simplice gonorrhoea, vel ab ulceribus vesicae urinariae et renum, distinguendum sufficiunt. Si signa inflammationis defunt, historia, quam aegrotus tractat, illum ab ea distinguat oportet, et in his materia semper cum urina, et nullo alio tempore,

ore, excernitur, nisi ulcus in cervice vesicae  
allebit. Quod si incidat, urina nolenti con-  
ter effluet, et foetor materiae descenden-  
plerumque eam ab ulcere proficisci testa-  
tur. Quinetiam sedes morborum admo-  
m diversae sunt; namque in ea gonorrhoeae  
ecie, quam exequimur, digitum unum al-  
umve tantum ab extrema urethra distat,  
illic loci dolor inter urinam reddendam  
avissimus sentitur; in aliis, contra, morbis  
pra positis dolor ab urina excernenda ori-  
us cervice vesicae urinariae ex toto con-  
etur.

## RATIO MEDENDI.

Hic morbus, quod neminem latet, in mo-  
m aliarum inflammationum loco propria-  
m, absque ope medicamentorum, sponte  
nonnunquam decedit, regimine antiphlo-  
gico tantum adhibito, et ratione munditiae  
bita; cum hoc vero non toties in gonor-  
rhea

rhoea quoties in aliis inflammationibus loco propriis incidat, quaedam medendi consilia proferemus :

I. Viro admoto, antequam notae inflammationis ullae semet ostenderint, occurrere.

II. Signa inflammationis tollere.

III. Tonum partibus reddere.

Quantum ad primum attinet, ut diversae injectiones in urethram immittantur, aliae virus, si id forte contingerent, delendi, aliae talem muci excretionem, qualis virus prius foras expellat, quam lacunas ita occupet, ut inflammationem faciat, movendi consilio, nonnulli suadent. Alii vero praecipiunt, ut injectiones astringentes fortiores, postquam rem cum muliere habueris, quam a morbo non immunem esse suspiceris, protinus adhibeantur, quales sunt solutiones sacchari Saturni, &c. Quo virus deleatur, solutiones mercurii fuerunt adhibitae, et in multis exemplis, quantum judicari potest, votis ad eas decurrentium responderunt. Solutiones corrosivi sublimati ex aqua destillata saepe tentatae sunt, et effectibus, quos edant, inducti, easdem aut fere easdem esse, ac antidotum venereum celeberrimum,

ore, quod a nonnullis tantis laudibus nuper  
atum est, opinamur. Non tantum earum  
epe, post infectam initam, sed quoque ubi  
igna leviora accesserunt, velut testiculorum  
tatio, glandis penis pruritus et inflamma-  
o levis, ostium urethrae, praeter naturam,  
ertum, etiamque gutta materiae urethram  
tremam occupans, periculum successu cum  
osperrimo factum est. Hanc curandi vi-  
a, ut omnino tutam, auctoritate optimo-  
m medicorum confisi laudamus; namque,  
nihil prodest, haud dubie nocere nequit.  
am aliquantum hujus solutionis ita fortis  
additae, ut singulae unciae granum unum  
ontineant, in urethram per syringem in-  
ctum est, paulum tepidae quoque in ean-  
em immittere conveniet; namque, hoc ne-  
lecto, inflammatio levis forsitan movebitur,  
uae ad curationem promovendam minime  
onferet.

Proximum est, ut alias injectiones conside-  
mus, quae talem fluxum faciunt, ut virus  
na cum eo foras expellatur. Non nostrum  
nnia medicamenta, quae hoc praestare cre-



dita sint, enumerare ducimus. De uno di-  
 cere sufficiat, lixivium causticum significo,  
 quod nuper omnibus in ore esse coepit,  
 quodque, ante omnia alia idem genus, huic  
 consilio respondere videtur. De hoc me-  
 dicamento a D. Balfour, in dissertatione  
 sua de gonorrhoea virulenta, primum narra-  
 tum est; sed idem postea D. Warren fusius  
 describendum curavit. Ratio id parandi est  
 paululum ejus tali aquae quantitati admisce-  
 re, ut mistura gustanti aliquantulum calida  
 videatur. Si unam forte lixivii partem vi-  
 ginti aquae adjeceris, solutio satis fortis esse  
 reperietur. Haec protinus brevive post coi-  
 tum impurum in urethram immittatur. In  
 diem unum alterumve fluxum majorem cum  
 dolore et ardore urinae movet, deinde om-  
 nia signa decedunt, et valetudo commodis-  
 sima redit. Haec haud dubie gonorrhoeae  
 occurrendi ratio efficacissima est; neminem  
 vero ad remedium tantum doloris excitans,  
 nisi pro certo se infici sciat, decurrere debere  
 opinor; praesertim cum multo tutius, et non  
 minus praesens, corrosivum sublimatum sig-  
 nifico,



fico, adhibere possit, quod ea inflammationis signa gravissima, quae ab hoc aliisque virus simile applicationibus oriuntur, nunquam aut rarius excitat. Alkali causticum acutum, quo virus involvatur, dissolvendo, excretionem ejusdem faciendo, morbum quolibet alio medicamento certius praecavere possunt. Hanc autem theoriam fundamento rerum stabili inniti putamus, cum solutio virus mitis nihil aliud quam secretionem muco-vi sua stimulante augere, et hoc modo virus foras expellere, possit.

Quantum ad injectionum astringentium spectat, eas adhibere moris chirurgorum militarium esse novimus; quam ob causam vero ita faciant, ignoramus. Si inflammationem tollere, nullam adesse contendimus; si vero eidem occurrere velint, multis in exemplis virus hoc modo in lacunas urethrae, ostiis earum contractis, inclusum iri, inflammationem igitur moturum esse ostenditur. Quinetiam, eandem ob causam, virus absorberi, et in massam sanguineam deveni,

devehi, et ita lues venerea moveri, potest. Si medicorum, qui injectiones hujusmodi laudibus concelebrant, ostia lacunarum ita constringere, ut virus in ea non admittatur, nec ultra urethram progrediatur, sed facile foras expellatur, consilium sit; hoc, si ullo tempore possit, protinus a coitu fieri debere existimamus. Quinetiam sub hoc tempus exitus hujusce conaminis admodum incertus est, cum virus venereum naturae tam penetrabilis sit, ut in unam pluresve lacunarum urethrae extremae, sub primum contactum, necne se insinuaverit, dicere nequeas. Hic loci pretium est notare, quod omnes, qui carunculis urethrae fuerint tentati, eas astringentibus sub initium curationis adhibitis tribuerunt. Has ob causas, astringentia non adhibenda putamus; sed injectiones e mercurio, potissimum e corrosivo sublimato, confectas, non tantum tuto, sed etiam postquam signa morbi supra posita accesserunt, successu cum optimo adhiberi posse, nobis persuasum est.

Non pauci injectiones ex oleo et mucilagine confectas ad huic consilio respondendum accommodatissimas esse putant; at nos minus fiducia in calida collocaremus. Qui causticum alcali laudibus efferunt (namque hoc silentio non praetereundum) id in omnibus fere exemplis intra sex horas ex tempore, quo signa accesserint, et in multis etiam intra viginti quatuor horas, adhiberi esse affirmant. Hanc curandi viam periculosissimam esse ducimus, et Doctorem Warburtonem, virum doctum et ingeniosum, in eam processisse miramur. Ubi inflammatio non subest, remedium omnium aliorum stimulantissimum adhibere, experientiae quotidiana adeo contrarium est, totiesque in aliis inflammationibus nocet, ut causa gravissima. Cur omnes, qui medicinam labris prioribus attigerint, usu ejus hoc in exemplo imperaturos esse putes. Quinetiam ipsi summa a temeritate hujusmodi oriri videntur. Cum de primo consilio satis dixerimus, proximum est ut alterum consideremus, viz. signa inflammationis tollere.

- A. Evacuantibus. {

*a.* Sanguinis missione,  
*b.* Catharticis.  
*c.* Diureticis.
- B. Narcoticis.
- C. Fomentis et injectionibus topicis.
- D. Regimine antiphlogistico.

A. Evacuantibus. *a.* Sanguinis missione.

Haec non semper hoc in morbo necessaria est; ad eam tamen, si notae inflammationis magnae sint, et diathesis phlogistica invaleseat, ut confugiatur, et pro gravitate signorum reiteretur, suademus. Missio sanguinis topica per hirudines, signa certa levandi gratia, qualia sunt, phymosis, paraphymosis, tumorque penis gravis, nonnunquam adhiberi potest; sed, morbo leviori, vix necessaria evadet. Nonnulli medici ut vena dorsi penis pertundatur hortantur; cum vero ligatura sanguinis sistendi consilio nulla possit adhiberi, hirudines huic anteponendas esse putamus. Sydenhamus in missionem sanguinis, donec alvus per spatium mensis unius fuerit purgata, ne morbum in habitum corporeum repellat, acerrime invehitur. Caeterum, experientia



experientia recentiorum, qui ex quo vir ille celeberrimus fati concesserit, multas medicinae artes excoluerint et illustrarint, nec missioem sanguinis sub initium morbi pertimescendam esse, nec alvi purgationem, quam tantopere laudet, necessariam esse testatur.

*b. Cathartics.*

Qui primi hunc morbum curandum susceperunt, ii purgantibus drasticeis, in tempus tutum reiteratis, solis confisi sunt. Haec autem medendi ratio ad seculum Sydenhamianum usque invaluit; et igitur, mense praeterito, detractionem sanguinis ad inflammationem, quam usus purgantium continuus evocasset, nonnunquam necessariam evasisse, quidquaquam miraberis. Multi auctores in infimae notae hodierni, quamvis purgantia drastica non adhibent, ut talia cathartica tamen, qualia alvum diebus alternis, in dies quatuordecim, deinde die unoquoque tertio, in alteros quatuordecim, tervc quaterve morant, dentur praecepiunt. Quanticumque vero auctoritas horum aestimanda sit, experientia quotidiana nihil aliud, quam alvum quolibet laxante

laxante mitiore solutam tenere, necessarium esse demonstrat.

Pulvis jallapii solus, vel electuario lenitivo ea quantitate admistus, ut alvum singulis diebus semel leniter ducat, hoc apte praestabit. Haec ratio medendi hodie efficacissima esse reperitur, noxis quae a purgantibus drasticis oriantur caret, et ad aegrotum refrigerandum, et ad diathesin phlogisticam absque incommodo tollendam, manifestissime confert.

*c. Diureticis.*

Medicamentum hujusce classis praecipuum est nitrum. Refrigerat, urinamque magnopere movet, ex aliquo potu mucilaginoso, velut gummi Arabici solutione, althaeae decocto, linive infuso solutum. Hoc modo datum non tantum per se multum prodest, sed liquor, quo solutum fit, urethram ab acrimonia urinae ita defendit, ut aegrotus, quanquam potu olim abstinuerit, ne dolor urinam reddendi augesceret, semetipsum usu ejus admodum levare sentiat, cum urina non amplius acris sit, sed mucilaginosa facta partes quodammodo foveat.



## B. Narcoticis.

Haec, propter gravem dolorem et tentinem, quae saepe noctu tam graviter urgent, aeger absque ope alicujus narcotici nequeat dormire, non raro necessaria evadunt. Cum ad ea decurrere cogimur, reliquis praestit opium ejusve tinctura.

## C. Applicationibus topicis.

Haec in cataplasmata, fomenta, et liquores urethram injiciendos, apte dividi possunt. Quantum cataplasmata spectat, ea gonorrhoea morantibus raro necessaria esse putamus, si accesserint phymosis, paraphymosis, magnus penis tumor, &c. Si haec quidem praesentia fuerint, ut cataplasma sacchari saturni, vel extracti Goulardi ex aqua soluti, adhibeatur credimus; namque cataplasmata hujusmodi emollientibus efficaciora sunt.

Fomenta hoc in morbo admodum utilia sunt, et huic consilio in primis respondent. Non tantum partes ab immunditia immunes reddunt, et ita abrasionibus penis et inflammationi externae occurrunt, sed potestate emolliente et relaxante inflammationem quoque

que urethrae multum imminuunt, et tentiginem tollunt. Qui modus ea adhibendi optimus esse videtur, est penem in poculum satis profundum, et aliquo decocto emolliente ad labra usque fere adimpletum, in semihoram aut circiter demittere, et idem bis terve singulis diebus facere pergere. Æger, inter fomentum hoc modo adhibendum, urinam saepe summa cum facilitate excernet.

Liquores in urethram immissi summis laudibus elati sunt, et varii, dolore, ardore urinae, tentigine gravibus, adhibiti fuerunt. Qui in hanc medendi viam processerunt, et eandem tamen non accerrime propugnant, injectiones suas e calida, oleo, gummi Arabico soluto, aliisque emollientibus, confecerunt. Haec haud dubie prodesse possunt; sed quemlibet expertum rogare liceat, utrum penem in calidam decoctumve emolliens, demergere, non idem omnino, quod injectiones, praestiterit, omnis noxae et incommodi expers. Namque, si liquores in urethram immissi ultra sedem inflammationis ascendere permittantur, partem viri secum ferendo plus, quam

am medici opinantur, nocebunt. Non-  
illi forsitan dicent, quod partes purgan-  
et aliquantum viri in urethra deli-  
entis secum foras expellendo, magnopere  
derunt. Nonne vero hoc melius praeſta-  
nt liquores emollientes vel mucilaginosi li-  
aliter epoti, unde urina quantitate, ut fu-  
poſitum, multum augebitur, et, acrimo-  
ejus magna ex parte ſublata, urethram  
ue accurate, ac quilibet liquor in eam in-  
us, purgabit? Alii vero, injectionibus  
gis etiam capti, ut astringentes refrige-  
tes in urethram, ſub hoc morbi ſtadio, in-  
dantur, ſuadent. Inflammationem im-  
quendo agunt, et virium astringentium  
a parum habentes fluxum brevi ſiſtunt,  
ec medendi ratio morbum aliquando tol-  
e poteſt, et nonnunquam revera ſuſtulit;  
perientia tamen, proh dolor! ſigna, quan-  
m ex toto decedere videantur, vel cum  
vitate priore nonnunquam redire, vel ae-  
tum infeliciffimum bubone aut ulcere gut-  
s brevi infeſtari teſtatur. In exemplo ſu-  
iore medicus aegroto, contagionem recen-  
eſſe, et morbum priorem ex toto depulſum  
fuiſſe,

fuisse, in posteriore, si idem causari nequeat, contagionem, uti eum appellat, duplicem fuisse, persuadere conatur. Praeterea eadem, quae simplicioribus injectionibus, his objici queunt; namque inflammationem augere possunt, quae hac curandi via ad testiculos saepe transit. Hoc medicus candidus verum esse fatebitur; et quicumque res attente notavit, idem haud dubie vidit. Tumorem autem testiculorum in primis, cum dolorem summum moveat, et aegroto molestiam fere intolerabilem facessat, vitandum esse, omnes uno ore consentiunt.

Dolorem et ardorem urinae tollendi consilio nonnulli medici opium hisce injectionibus adjiciendum curarunt. Hoc multum prodesse dictum fuit, quique eo usi sunt, dolorem et ardorem urinae, duobus tribusve diebus, ex toto fere decessisse, fluxum multum imminutum esse, et omnia denique signa octo, decemve diebus, omnino sublata esse, memoriae prodiderunt. Caeterum hic loci notandum, eos, qui hoc injectionis genus adhibuerint, mercurium eodem tempore, et aliquamdiu postquam omnia signa evanuerant, sumpsisse,



mpfisse, quod facit, ut haec exempla addum dubia esse videantur.

Injectiones e mercurio compositae huic consilio respondere posse sunt creditae. Nonnulli, quos summo honore semper mecum prosecuti sumus, quorumque opiniones plurimi nunquam non faciemus, mercurium vi antiphlogistica praeditum inflammationem minuere, et igitur non parum in morbum posse opinati sunt. Unguentum mercuriale oleo admixtum, vel ex vitello ovium, ad hoc consilium accommodatur: cum bona tantorum virorum venia, opinionem propriam liceat proferre; viz. mercurium potius virus, quod contingat, extinguendo, quam ulla potestate quam habeat antiphlogistica, agere, et ita causam inflammationis tollere, morboque mederi. Denique, si ullam injectionem ad hoc consilium accommodari putaremus, ultimam reliquis reponeremus; sed morbum absque ulla vi faciliusque depelli posse existima-

## D. Regimine antiphlogistico.

Hoc diligenter adhiberi debet, quod per hoc solum, absque medicamentorum ope, multi ad sanitatem reducti sunt. Cibus aegroto fit levis et refrigerans. Omnibus salitis et condimentis, potissimum vero liquoribus spirituosus vel fermentatis, abstineatur. Ægrotus serum succumve limonum dilutiorrem bibat; exercitationem violentam, cum nihil ad curationem hujus morbi tantum, quantum quies, conferre compertum sit, diligentissime caveat; et veneri, et cogitationibus libidinem moventibus, bellum indicat. Nunc ad consilium ultimum ventum est, viz. Tonum partibus reddere.

Si signa inflammationis ex toto decedant, et fluxus parcius tantummodo restet, laxitati partium, a qua morbus omnino pendeat, quamprimum succurrendum. Totum igitur systema cortice Peruviano et diaeta lautiore firmare conveniet. Quinetiam tonica topica, qualia sunt injectiones astringentes, magnopere proderunt; namque, signis inflammationis sublatiis, et materia igitur viro-



extincta, nihil noxae ab iis metuendum. Sectiones autem optimae ex extracto Gouli, saccharove saturni ex aqua rosarum soporoso, compositae sunt. Alii astringentia alia adhibuerunt, qualia sunt corticis quercini destillata, &c.; sed, hoc in morbi stadio, talia adhibere, nostro iudicio, rarius necessarium est. Balneum frigidum, sub hoc tempus, altum auxilii promittit, vicem tonici, cum diversis tum topici, supplens; etenim, balneo diverso frigido utili, applicatio frigidae tota non inutilis erit,

Cum fluxus hisce remediis non tollitur, tenuis et copiosus, absque ullis inflammationis signis, manet, balsama varia in eo posse affirmarunt auctores; quod verum esse efficacissimum esse fatentur, est balsamum copaibae. Alii hoc medicamentum nimis laudibus nuper concelebrarunt; alii, contra, in id, ut prorsus inefficax, acerrime reiecti sunt. Quantum nos spectat, id non utile esse putamus, iis quae ipsi notavimus, neque auctores graves retulerunt, inducti. Qui ex toto repudiandum esse contendunt,

eos id nimis parva quantitate dedisse suspicamur. Non quidem semper efficax fore affirmamus; morbum tamen, cum aliquot, si fides aegrotis ipsis sit habenda, annos mansisset, sustulisse compertum habemus. Vir celebris Ellis, qui dissertatiunculam de hoc morbo, ante aliquot annos, conscripsit, hoc medicamentum magnopere laudat, et nonnullis forsitan id nimis laudibus ornasse videbitur: Nos vero iis, quae de ejus utilitate tradiderit, facile fidem habemus. Non pauca ejus pericula eodem modo, quo ab illo fuerit datum, et eadem quantitate, successu cum evidente, fieri vidimus; adeo ut non dubitemus, quin plures ejus periclitationes factae fidem adversariis ejus, multis in exemplis fore utilissimum, fecerint. Qui plura de eo scire vult, Ellis de gonorrhoea virulenta adeat.

Qui fluxu hujuscemodi conflictatur, is omnem exercitationem violentam, praesertim equitationem, fugiat; cum experientia sanguinolentum plerumque, hac adhibita, fieri testetur. Pauci vini generosi cyathi aegrotis non nocerent; ei vero potationem  
nimiam,

miniam, et, ante omnia alia, venerem, interdici-  
 mus. Cum fluxus hujusmodi aliquam-  
 diu mansit, et e signis certis eundem ab ul-  
 ceribus urethrae, quae, ut opinamur, ardor  
 urinae in certa urethrae parte tantum sem-  
 per concomitabitur, proficisci judicamus;  
 ad usum mercurii internum, cortice Peruvia-  
 no, aliisque tonicis universis omissis, at  
 in nullo alio morbi stadio, confugi de-  
 bere existimamus. Quinetiam injectiones  
 corrosivi sublimati utilissimae erunt; cum  
 omnia ulcera in primis expurgent, pus me-  
 lius efficiant, et proclivitatem ad sanescen-  
 dum inducant. Nonnulli auctores hoc in  
 casu ad ea, quae anglice *Bougies* appellantur,  
 recurrunt, et per ea carunculis occurrere,  
 vel, ne diameter urethrae cicatricibus earum  
 minuiatur, cavere conantur. Ea vero, ni-  
 si fluentum urinae manifeste fuerit imminu-  
 tum, non adhibenda putamus; namque in  
 ulcera ipsa parum nihilve posse, et nihil a-  
 ud quam urethram dilatare, credimus.

Cum fluxus supra positus a laxitate par-  
 um pendet, et injectionibus vim astringen-  
 tem

tem meram habentibus non paruit, eis vi-  
triolum album cum fucceſſu proſpero fuit  
adjectum. Hoc ſemel ſingulis diebus tan-  
tum, et ſub tempus cubitum eundi, utendum  
eſt; cum exercitatio poſtea adhibita inflam-  
mationem non parvam moveret.

His, quae tribus conſiliis reſpondeant, jam  
expoſitis, tantum reſtat, ut injectiones primo  
potiſſimum accommodari dicam. Quae e  
corroſivo ſublimato compoſitae ſunt, eae,  
propter cauſas ſupra relatas, reliquis antepo-  
nendae videntur. Per ſtadium morbi in-  
flammatorium, haudquaquam adhibendas pu-  
tamus. Unica ad quam tuto poteſt decurri,  
ex unguento mercuriali Saunderive praecipi-  
tato, oleo admixto, conſecta eſt. Per ſtadi-  
um ultimum utiliſſimas eſſe judicamus, et  
aſtringentes aliis praeferimus; niſi, ut ſupra  
poſitum, cauſa ſit, cur ulcera in urethra eſſe  
credamus. Si vero res ſeſe ita habet, ut ad  
corroſivum ſublimatum ruruſ decurratur,  
ſuademus. Quantum ad curationem ſigno-  
rum ſingularium, hunc morbum aliquando  
concomitantium, attinet, ſatis forſitan jam  
diximus.



miximus. Cum vero omnia plerumque inflammatoria sint, iis per missionem sanguinis, et topicam et universam, laxantia lenia, et cataplasmata sacchari saturni partibus laborantibus admota, occurrere conandum est.

Quantum curationem testiculorum tumefactorum propriam spectat, lectorem ad dissertationem a D. Threlfal in vulgus editam reuegemus. Quantum vero ad curationem stricturarum et caruncularum attinet, fiducia in usu comprimentium (anglice *Bougies*) in analem uriniferum introductorum, nobis exopto collocanda. Alii auctores alia laudant. Alii ea, quae vim causticam habeant, ad carunculas delendas accommodatissima esse crediderunt. Alii, contra, forma sola agere, et nihil aliud posse, quam obstructions urethrae comprimere, et ita exitum urinae liberum conciliare, opinati sunt. In hanc sententiam concedimus.

Ex emplastro adeo duro, ut obstaculum quodlibet, quod in urethra possint offendere, facile exsuperent, et adeo flexili, ut introducta quam minimum doloris moveant, confici

fici debent. Quinetiam ex emplastro adeo tenaci componantur, ut in urethra frangi non periclitentur. Compositum sequens forsitan has dotes habere reperietur.

℞ Resin. alb. ℥i.

Cer. alb.

Empl. comun. aa. ℥ss.

leni calore admoto liquecant, et adde pulv. rad. anchus. ʒss. Cola, emplastrumque fiat, in quod panniculi linei sunt demittendi, et in formam *Bougies*, uti vocantur, redigendi. Denique, si multum auxilii ab usu eorum speraveris, diu et constanter adhibeantur.

F I N I S



---

DISPUTATIO INAUGURALIS,

DE

IRRITABILITATE ANIMALIUM ET VEGETABILIVM.

---



DISPUTATIO INAUGURALIS,  
DE  
IRRITABILITATE ANIMALIUM ET  
VEGETABILIVM.

QUAM,  
ANNUENTE SUMMO NUMINE,  
Ex Auctoritate Reverendi admodum Viri,  
D. GEORGII BAIRD, S. S. T. P.  
ACADEMIAE EDINBURGENAE PRAEFECTI,

NEC NON  
Amplissimi SENATUS ACADEMICI Consensu,  
Nobilissimae FACULTATIS MEDICAE Decreto;

**Pro Gradu Doctoris,**  
IMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

ERUDITORUM EXAMINI SUBJICIT  
JOANNES PESCHIER, A. M.  
GENEVENSI,

REG. SOCIET. MED. EDIN. SOC.

---

Ad diem 24 Junii, hora locoque solitis.

---

EDINBURGI:  

---

CUM PRIVILEGIO.  
TYPIS GEORGII MUDIE ET FILII.



DANIELI RUTHERFORD, M. D.

SCIENTIARUM

FAUTORI,

ACADEMIÆ

DECORI,

HOC OPUSCULUM,

ANIMI GRATISSIMI

TESTIMONIUM

DICAT

AUCTOR.

berrimus VAN HELMONT viam aperuit, et ab illius experimentis fluxêre leges; huic successores BOYLE, GREW, HALES, et DU HAMEL, rectam insisterunt viam, nomen immortale fecerunt; illustrissimus CAROLUS BONNET, contemporaneusque SENEBIER, naturæ artificium detexerunt. Utinam recentes scriptores callem secuti essent, et opiniones experimentis, non verò experimenta opinionibus nisa fuissent. De illorum erroribus fusè in hoc opusculo dicam.

Cuique innotescit plantas quasi spontaneam movendi potestatem habere, et resistantiam quodammodò obstaculis opponere. Multùm defudârunt auctores in causâ illorum motuum detegendâ, multumque inter eos dissenserunt. De his judicare in mente habebam, pauca hûc spectantia idcirco institui.

Causæ præcipuæ irritabilitatis apud auctores maximè familiares ad sex reduci possunt, nempe, 1<sup>mo</sup>, Stimulantia externa; 2<sup>do</sup>, oxygenium;



3<sup>to</sup>, temperiem ; 4<sup>to</sup>, mutuum sexuum effectum ; 5<sup>to</sup>, lucem ; 6<sup>to</sup>, volitionem. De sympathiâ nonnulla pericula tentata fuerunt ad finem dissertationis referenda.

Irritabilitati a multis tributi sunt plantarum sensibilibum motus, sed dubito utrum irritabilitas eadem sit in animalibus et vegetabilibus ; nihilominus verbo, *irritabilitas*, passim utar, utpotè ab omnibus intellecto, quòd omnia phænomena plantarum sensibilibum amplectatur, et quòd novum verbum multifarias difficultates includere posset.

Pleraque facta sunt experimenta mea ope receptaculi vitrei cylindrici, tres pollices alti, duos et dimidium quoad diametrum, ad latus latum tubulum ferentis, (ut ramulos admittat), collo rotundum operculum habente unius pollicis diametri ; ramuli qui periculis inserviebant per tubulum introducti, trunco vel ramo adhære-

bant in aquâ immerſo ; juncturæ luto e cera et terebentino confecto fermè inodoro illitæ erant.

Permulta ſunt vegetabilia quæ motum quibusdam horis exhibent, pauca verò in regionibus noſtris, quorum motus a nobis excitari impediriſſe queant ; concifè de his dicam.

*Berberis vulgaris* (Hexandriæ Monogyniæ) ſex ſtamina habet quæ prope maturationis tempus ad pilillum ſe movere obſervantur, paucis horis priſtinum ſitum rurfus occupant ; hincce motus ſæpe repeti poteſt, acû illorum baſim pungendo.

*Mimosa Pudica* (Polygamiæ Monæciæ) haud in floribus ſed in foliis irritabilitatem poſſidet : crepuſculo appropinquante foliola pinnatum ordinem relinquunt, ſed mutuo ſibi invicem admoventia bina ſcilicet ex oppoſito, unum foliure formare videntur, poſtero matutino iterum expandunt ; hic motus ad maturitatem ſeminum

uſque

que observatur; plantam quam levissimè agi-  
,, contractio fit.

*Silene Noctiflora* (Decandriæ Digyniæ) quin-  
que petala emarginata habet, post solis occasum  
petala introrsum volutantur, ita noctû perma-  
nent, matutino tempore explicantur; similem  
per quinque dies motum habent, dein matu-  
rescentibus feminibus planta perit.

Multæ aliæ sunt valdè irritabiles, sed *Zonæ*  
*torridæ* indigenæ, et vix ac ne vix quidem in  
Europâ innotæ, inter quas *Averrhœa Carambo-*  
*, Dionæa Muscipula, Hedyсарum Gyrens, &c.*  
clarè et perspicuè de his loquitur celeberrimus  
professor HOPE, in optimâ dissertatione inaugu-  
rali *De Plantarum Motibus ac vita.*

Plura alia sunt vegetabilia quæ motum ex-  
hibent, hunc verò sollicitata investigatori reno-  
scere recusant, vel tantum motum concedunt

fi rigidius tractentur : Lubet breviter illorum nomina referre.

*Parnassia palustris*, nonnullæ *saxifragæ* species, *ruta graveolens*, *sedum telephium*, *hyoscyamus aureus*, *agrimonia eupatoria*, *a. repens*, *rivinia humilis*, *r. lævis*, *scrophularia nodosa*, *tamarix gallica*, *geum urbanum*, *varii ranunculi*, *fritillaria persica*, *polygonum orientale*, *centaurea calcitrapa*, *cactus opuntia*, *cistus helianthemum*, *parietaria vulgaris*, *p. lusitanica*, *urtica*, *spina-cia*, *atriplex*, *nigella sativa*, *passiflora cærulea*, *epilobium angustifolium*, &c. &c. Nihil de istis vel de multis reliquis dicam, ne ad nimium tumeat hoc opusculum ; plus minusve mas ad fæminam, fæmina ad marem movet, et parum in vitâ differunt. Nunc de experimentis.

## S E C T I O I.

---

DE EFFECTIBUS A SUBSTANTIIS ODORIFERIS IN  
PLANTAS SENSIBILES DICTAS, PROCREATIS.

Pro certo habere num præcipuæ substantiæ  
odoriferæ, *stimuli* nominatæ, omnibus plantis  
sensibilibus eodem modo nocere, vel in eas age-  
re, et num generales leges de hoc institui pos-  
sint, *hoc opus*.

Num motus in his plantis, mechanicis cau-  
sis prorsus assignari debeant, hoc quoque pro-  
bandum venit.

*Exp. I.*—E ramo *berberidis vulgaris* pedun-  
culum in receptaculum (jamjam descriptum)  
introduxi, lutoque circa ramulum tubulum ob-  
stravi; stamina juxta petala erecta erant,  
(quem flatum *relaxatio* vocabo): paululum *acidi*  
*nitrosi*



*nitrosi* floribus intactis infudi, et illicò colli aperturam obturavi : post sex minuta secunda contraxerunt stamina ad pistillum movendo, juxtaque ea remanserunt : petala luteum colorem amiserunt, albidumque induerunt. Duo post minuta, stamina pristinum situm assumpserunt, antheræ cuprinum pro aurato colorem habebant, pedunculus flaccefcebat et post unam horam omninò mollis evasit : alii plantæ ramuli nullo modo ab experimento pati videbantur.

*Exp. II.*—Eidem tentamini digitationes duas *mimosæ pudicæ* subjeci, in octo minuta contraxerunt foliola, non verò relaxârunt iterum ; si a receptaculo removerentur, vigorem recuperaverunt, si in eo diutius relicta, periit *mimosa*.

Istis sæpe repetitis et bene perpensis, contractio in ambobus, mechanicis chemicisque causis tribui potest : quoniam omnibus pateat, effluvium ab acido fieri, et in vegetabilibus et animalibus decompositionem producere. Non



os fugiat reliquas plantæ partes, nullo modo affectas esse. Sed peculiaris est effectus iste plantis sensibilibus, utpote et cum *saxifragâ* et *cere pseudo-platano* tentamen institui, sed in-  
 ussum, nullus motus sed mors evenit.

*Exp. III.—Ammoniam causticam, vel alkali volatile, nunc adhibui, eodem modo et cautè: parvâ infusâ dosi, quinque minutis jamjam contraxerunt stamina in berberide, haud verò omnia eodem tempore, duodecim horas post, omnia sicut antea reperi, sed antheræ atro imbutæ colore et petala crispa erant.*

In experimento primo, stamina ad petala rursum relaxârunt, in tertio haud ita sese habuerunt: *Quæro, An ammoniacum humiditatem citiùs absorbuerit quam acidum nitrosum?*

*Exp. IV.—Idem cum mimosâ tentavi; subitis motus ciebatur, sed ad effluviâ (sicuti ad*

mechanicam causam) assignari potest contractio;  
ad sequens itaque refero.

*Exp. V.* Digitationes duas *mimosæ* in receptaculo vespere exposui, matutino postero die, foliola valdè dilatabantur; ritè frustula *ammonia carbonatæ* in vase collocavi, hocque obturavi, nihil prorsus contractionis ostendit ante 35', nunc modo omnia contraxerunt foliola, badiumque colorem induerunt: tres post horas a receptaculo removi, sed incassum, quamvis ad solem expositus fuit, periit ramus.

Multùm in hoc experimento miratus fui, novos ramulos nullo modo pati visos esse, dum et alii prope eundem locum inferti, subitò morbofi evaserunt.

*Exp. VI.*—De *camphorâ* nunc tentabam: frustulum cum pedunculo *berberidis* in receptaculo simul inclusi, effluviæque egressum luto impedivi: Stamina relaxata erant, illorum mo-

is bono oculo observavi : duodecim per horas  
nihil contractionis vidi, pedunculum e recep-  
tulo sumpsi, stamina tetigi, sed immobilia et in-  
sensibilia reperi ; in aquam ramum non pedun-  
culum immerfi, sed flaccidus fuit flos, deliques-  
centiaque apparuerunt nectaria.

Mihi objici potest, idem hîc obtinuisse quod  
; si argentum netum zinco et nervo sciatico  
ad apponas et ibi relinquo, irritabilitatem per  
quosdam gradus minui, et tandem exhaustiri ; sed  
etiam vibrationes patent, quod, certus sum, in  
experimento meo non locum habuit ; præterea,  
mihi dubium est utrûm eadem analogia pro  
omnibus valeat. *Berberis* in receptaculo aëre  
atmosphærico repleto, expositus per duodecim  
horas, nihil sensibilitatis amisit.

*Exp. VII.*—Nunc prodest ut berberidem  
cum mimosâ in comparisonem afferam ; *mimo-*  
*ramulo* in receptaculum collocato, omnibus-  
que foliis expansis, camphoram dedi horâ nonâ

A. M.; ad quartam P. M. omnia ut antea; tum foli expofui;—horâ fextâ, nihil adhuc mutatum;—nonâ verò omnia foliola contracta inveni.—Secundâ die, nonâ A. M. claufa; tertiâ P. M. idem; undecimâ, idem: ad umbram interdiu collocatum erat receptaculum.—Tertiâ die, feptimâ horâ A. M. foliola ut antea perftabant, fed petiolus partialis, vel axis quo inferuntur foliola arcuabatur, mediâ parte deorfum depreffâ: a receptaculo aëri expofui; primâ horâ P. M. idem; quartâ idem; undecimâ, idem, ctfi folis per multas horas calorem receperat.—Quartâ die, foliola introrfum juxta longitudinem involvebantur, eadem axis curvatura perftabat et parvo in gradu in foliis obfervabatur: rigiditas tanta erat, ut validæ agitationi refifterent et petioli et foliola; tertiâ horâ P. M. gradatim fatifcebat.

Sed hic obfervare lubeat, hanc curvaturam fpafmo nihil fimile habere, utpote in contrariâ directione longitudinali tranfverfalique afficiebantur

antur foliola ; hoc nihil irritabilitatis, puto, habet, nam mimosa si moveat ad articulos motum edit ; imò equidem, cur contractio tantum temporis permaneat, haud clarè video : morbi-  
us erat effectus a structurâ peculiari pendens ;  
proxima causa prorsus me fugit.

(Certum nihilominus est, camphoram in berberidem et mimosam, rigiditatem et insensibilitatem inducere, sed nullo modo in alias similiter ; ergo, aliquid *sui generis* in mimosâ et berberide existit.

*Exp. VIII.*—Pedunculum *berberidis* duobus *oschi* granis (pondere) per 24 horas exposui, nullus motus ciebatur ; stamina acû tacta, sensibilia evaserant.

Idem cum *mimosâ* institui ; per quinque dies receptaculo habui ; nulla inde alteratio : vespere et mane alternatim clausa et aperta vidi  
folia,

folia, dein a receptaculo adempta per multos dies viguit.

Nonne ab his experimentis comprobatur, camphoram, acidum nitrosum, ammoniacum et moschum haud eodem modo in vegetabilia agere, quod tamen ab auctoribus assertum fuit? et sæpe perlegi, animalia et vegetabilia irritabilia pariter a stimulis affici, tamen nobis patet moschum valdè animal afficere, quod cum experimento nostro nequaquam convenit.

In hâc sectione non de discrimine inter animalia et vegetabilia agitur, sed tantum de effectibus specificis stimulorum ad plantas admotorum.

*Exp. IX.* Pedunculo *berberidis* in receptaculo collocato, paululum *ætheris vitriolici* instillavi, dein obturavi; post 15' ad pistillum moverunt stamina, nullus postea motus ciebatur.

*Exp.*



*Exp. X.* In *mimosam* hoc tentavi: ad tertium minutum jamjam clauferunt foliola; quinque minutis temporis ad aëra frustra exposui, sed nix evasit et modò periit.

Quæ cum ita sint, in animo occurrit causas mechanicas parvam in contractionibus partem habere: a sequenti tentamine clariùs hoc videtur.

*Exp. XI.*—Pedunculum berberidis in receptaculo accommodavi, limpidam aquam ope syngis ad vasis latus direxi, ad collum usque implevi; staminibus nihil obstaculi fuit, multis in rebus per contractiones ut antea iverunt; aquâ receptaculum eodem apparatu orbavi, nequam berberis in tali medio ullam alterationem subierat.

(Objici potest, quoddam gas e fundo florum missum motui staminum ansam præbere, sed  
num

num cujusslibet generis a floribus emissio comprobata fuerit, dubito.

Sequens experimentum evidentiae latam aperit viam.

*Exp. XII.*—Nonâ Julii mensis die A. M. duas digitationes mimosæ in receptaculum collocavi, cautèque ut antea limpidâ aquâ hoc replevi et quò minùs causis mechanicis afficerentur omnino obstiti: foliola expansa erant cum parabatur apparatus: nihil ad quartam P. M. evenerat, et reverà quid expectandum foret? tunc foli exposui; sextâ P. M. expansio tota erat; undecimâ, incepit contractio. Decimâ die, noctu tota et generalis contractio; tertiâ P. M. iterum et sine solis influentiâ, expansio; septimâ, partialis contractio incepit; undecimâ, totam vidi; interdiu rursus expanderunt; ad vesperem, aquam eduxi, et foliola perhumida in vase reliqui. Duodecimâ die, septimâ A. M. contractio; primâ P. M. expansio; quar-

dem ; sextâ, ad claudendum prona foliola ; decimâ, perficitur opus. Decima tertia die, expansio pariter observabatur, regulares postea fuerunt motus per decem dies.

Objicietur forsan, solem potissimam fuisse causam dilatationis primo die ; si ita sit, cur nocturnâ contractio fuerit, haud video ; dein, quare iterum expanderuntne folia secundâ die, dum in umbram collocata ? Estne causa mechanica, an causâ irritabilitatis in hoc experimento habenda ? haud tangebatur planta per multos dies, et aëri externo ne vel minimus ingressus receptaculo erat.

Ultima pars experimenti mihi comprobare debet, aquam vel humiditatem foliolis adhærentem, nullo modo irritabilitatem impedire, quod multi antea putaverunt.

Si conclusionem ex experimentis nostris proferre liceat, haud certe eorum opinioni favebit,

qui causas mechanicas pro proximâ in irritabilitate plantarum habent : ex his quoque obvium est, stimulos haud in plantis omnibus eodem modo agere, quin etiam et eundem stimulum sæpe sensibiles plantas multifariâ afficere : hoc pro certo mihi sumendum esse videtur, pleraque generales leges de œconomiâ vegetabili huc usque institutas, phantasiæ necnon imaginationis, potiùs quam experimenti et observationis opus esse.——Sed de his deinceps dicam.

---

## S E C T I O II.

DE OXYGENIO, TAMQUAM IRRITABILITATIS PROXIMA CAUSA, CONSIDERATO.

NUNC ad novam opinionem transeo, quæ apud neotericos ingenio micat, tametsi in elucidanda re, saltem levem præstet operam.

Phænomena irritabilitatis in animalibus et vegetabilibus *oxygenii* præsentiæ assignant : De his tantum est mihi res. “*Oxygenium* (dicunt) noctu absorbetur, interdiu in calidis regionibus a solaribus radiis extricatur, evasione tempore movent partes sensibiles, hinc fit assimilatio, color, refina abhinc quoque formantur. In multis tamen *oxygenium* majorem cum plantâ, quam cum solis radiis affinitatem habet ; idcirco haud fugax est ; inde haud sensibiles sunt plantæ, et quibusdam in casibus, in obscuritate, exempli gratiâ, pallidum colorem exhibent.”—Innumeris et omnigenis factis innituntur Germani hujus opinionis conditores, huic certè faustissimis, infasta verò argumenta prudenter procul habent ; ingeniosa theoria, valde verò inconsistentiâ eminet.

Estne quædam proportio inter *oxygenium* quod evaserit, et plantæ irritabilitatem ? Hoc certè obscurum dant. Haud inficias ibo *oxygenium* in œconomia vegetabili maximam præ-



stare operam, sed quidnam sit illius opus, hoc valdè ignoramus; quàmobrem in explicandis phænomenis cauto pede gradiamur.

Ambigua procul dubio est theoria, æger si ab aliquo metallico oxido aliove *oxygenium* accumulatum in corpore habeat, maximâ est irritabilitas, quoniam *oxygenium* principium irritabilitatis est; in plantis verò irritabilitas in actionem traditur, si sol *oxygenium* extricet, nulla verò si in plantâ principium irritabilitatis remaneat.

Duæ plantæ irritabiles, *cæteris paribus*, quibusdam stimulis expositæ, valdè contrarium effectum alia ab aliâ exhibent: hoc postea evolvam: haud tamen denego, plantam in obscuro atque idoneâ temperaturâ diu preservatam, stimulisque remotis, pallidum adipisci calorem, et a calore, luce, aliisve externis stimulis multò promptius dein affici: hoc illorum opinioni certè arri-

det,



et, sed totis ab aliis militatur, ut philosophi  
indagationem ulterius adhuc requirat.

Omnibus in mimosis quibus in experimentis  
meis usus fui, parvulæ digitationes erant quæ  
eadem ætate ac virides, sed luteo colore et ri-  
gidissimæ erant, eodem tempore natæ erant, et  
interierunt sicut cæteræ; haud vero majori  
irritabilitate præditæ; oxygeniumne magis ha-  
bebant, vel an morbo laborabant? hujus causa  
statet.

Quod pallidus vegetabilium color ab aliâ  
causâ originem educit, *dirca palustris* planè no-  
tis indicat; uniformi mellino et languido co-  
lore imbuitur tota planta, radice excepta, haud  
amen movet, longamque vitam degit, vigore  
illis haud inferior.

Qui contrariam opinionem defendunt ad  
sinosas plantas Zonæ Torridæ nos referunt,  
*e a solis radiis impelluntur*, &c. &c. Sed sep-  
tentrionales

tentrionales pini pro me loquuntur: calor in æstate brevis est, æstuans vero; inde nedum illorum celer incrementum accumulatae irritabilitati, (fictitiæ valdè causæ) tribuerem, id tum longis calidisque diebus, tum etiam idoneæ foli humiditati assignandum putarem.

Oxygenium ad plantas alternatim adiens, et ab iis fugiens, ad coloris formationem tendere, et motum in nonnullis procreare posse, lubenter concedo; sed experimenta nostra de effectibus lucis absentiæ et præsentiae in plantis sensibilibus, (quæ mox afferam) ad imperfectionem illorum opinionis rectâ viâ me ducunt.

Haud meritò factis inniti dicitur theoria quæ clarissimo GIRTANNER, ni fallor, tribuitur: paucissimæ apud nos coluntur plantæ sensibiles, e calidis regionibus adductæ sunt, mores mutaverunt, indigenarum nostrarum vestimentum induerunt, natura laceffitur, et in errores allicit: malè igitur egerunt philosophi, qui a paucis et  
incertis

certis factis ad totum regnum vegetabile conclusionem duxerunt, legesque sicut instituerunt.

Oxygenium, aiunt, causa est irritabilitatis, et procul dubio oxygenium in plantis continetur, quoniam acidæ fiunt. Aciditas, quidem, non irritabilitas inde probatur: in plantis sensibilibus, nulla hucusque proprietas detegitur, quæ oxygenii opus sit, acidæ inter insensibiles numerosæ reperiuntur, quemadmodum supra irritabiles suavia nectaria frequenter observantur. Multæ *mimosæ* species glandulam ad bifurcationem digitationum gerunt: stylus in *erberidi* octo, melliferis nectariis ad originem circumdatur: *Ruta graveolens* elegantem circumdatum rubris punctis formatum circa germen observatori offert: *Parnassia palustris* quinque nectariis meritè distinguitur: quinetiam et *Silene noctiflora*, et multæ ejusdem generis, gluten insectis oblectamentum præbent; eadem observationum series ulterius progredi posset. *Oxalis acetosella* clari GIRTANNER theoriæ valde favet; acidissima

acidissima sapit, foliaque noctu includit: *Rumex acetosella* et *r. acetosa* acido sapore eminent, nihilominus viriditate et insensibilitate gaudent: uno verbo, acidas plantas, puto, irritabilitatem possidere posse, sed in sensibilibus nullum certum oxygenii signum nos videre præter communia.

Experimentum valdè mancum institui, forsitan illud referri inutile videbitur.

*Exp. XIII.*—*Berberidis* validum pedunculum quintâ horâ P. M. collocavi in receptaculo tunc aquâ repleto; ad petala stamina stabant, gas oxygenii pro aquâ substitui, parum aquæ in vase reliqui; sic per noctem fuit, sæpissimè observatus fuit; nulla supervenit mutatio; pedunculum e vase mane nonâ horâ A. M. abstuli, stamina tetigi, sensibilitatem sicut antea reperi: in primâ noctis parte, absorptionem gas oxygenii levemque in staminibus spontaneum motum expectabam, sed spem fefellit eventus; hoc a modo absorptionis

absorptionis verisimiliter pependit.—Omni-  
us consideratis, concludere lubet, *oxygenium*  
*irritabilitati* (si motum ita vocem), *potius pecu-*  
*aritate et varietate in secretionibus et excretioni-*  
*us quam ejusdem quantitate a plantis absorpta,*  
*nsam præbere.*

---

---

### S E C T I O      III.

DE EFFECTU CALORIS IN PLANTAS SENSIBILES.

*Exp. XIV.* Ferrum candens ad pedunculum  
erberidis appropinquavi; nullus per longum  
mpus observatus est motus; sensibilitas ta-  
en integra fuit.

*Exp. XV.* Eandem calòrici sphæram circa  
imofæ digitationem incitavi; duo post minuta  
mporis contraxerunt foliola, mox deciderunt  
li petioli: tota planta affecta est, nonnulla fo-

liola expassa remanserunt. Quid a tali varietate in naturæ operibus concludere libet a sagaciore peto, sed citò difficultates evanescent, si vegetabilium motus iisdem generalibus legibus per totum regnum haud tribuamus. Non in paucis conveniunt vegetabilia, sed in naturâ, proprietatibus, moribus et vitâ adeo differunt, ut paucissimis iisdem legibus certè pareant. Hoc valdè diffidenter adduco.

*Exp. XVI.* Berberidem in receptaculo *cum nive* includi, lentè hæc liquefacta fuit, maximum frigus, minimus effectus; nullus in maribus motus; e vase ademi, flamina eundem sensibilitatis gradum possidebant. Idem in alias tentavissimè, ni obstacula mihi obviam ivissent.



## S E C T I O      IV.

NUM SEXUS AD IRRITABILITATEM CONFERANT ?

MULTIS in plantis irritabilitas in fructificationis organis absconditur ; hinc, ut suspicantur quidam, impulsus mutuus.

*Exp. XVII.* In berberidem *castrationem* per-  
: antheris remotis post paucas horas diesve  
apertas, stamina tetigi eodem cum successu ac  
sana atque integra fuissent.]

Pistillum in alio tentamine amputavi, stamina  
citata validè moverunt, et ad pristinum lo-  
cum redierunt.

*Exp. XVIII.* Nectariis flores orbavi, sensibi-  
lis nequaquam affecta fuit : petalis remotis,

idem quoque ciebatur motus. Propensitas igitur marium ad foeminam ab aliâ naturæ lege pendet, non verò a præfentiâ partium circumdantium. Motus igitur flaminum, vel partis tantum, centrum floris verfus ab aliâ quâdam caufâ, quam ab aliarum partium floris præfentiâ pendere videtur.

---

## S E C T I O      V.

NUM ET QUOMODO LUX IN PLANTAS IRRITABILES  
AGAT ?

Hujus potiffimi agentis, illuftriffimus noftras SENEBIER effectus legesque perfpicuè illuftravit, naturam in arcanis fcruatinatus eft. Sed illa illum etiamnum unum celabat.

Clariffimus SOWARBY, in opere infcripto, *English Botany*, fequentem ideam prodit de motibus

*filene*

*silene noctifloræ*: “ We believe each flower lasts several days, the petals rolling themselves up every evening till the impregnation is fully accomplished: if so, how is this involution performed? Does the action of light upon the upper surface of each petal stimulate that surface to contract?”

Haud in re versatus, pauca tantum tentami-  
institui, observationes minutissimas notavi,  
dein.

*Exp. XIX.* Quartâ die Julii, quintâ horâ  
M. ramum *silene noctifloræ* septem flores ge-  
ntem in obscuro conclavi posui; petala expli-  
bantur.

11 P. M. minus erant expassa.

5tâ die, 6 A. M. haud omnia clausa.

9 A. M. omnia clausa.

4 P. M. iterum evoluta.

12 P. M. involutio incipit.

6tâ die, 1 P. M. perficitur involutio.

7â die, 7 A. M. petala evoluta.

1 P. M. idem.

4 P. M. idem,

11 P. M. idem.

8â die, 6 A. M. idem.

9 A. M. idem.

4 P. M. idem.

12 P. M. idem.

9â die, 9 A. M. idem.

1 P. M. involutio incipit.

4 P. M. involutio perficitur ; dein  
perierunt petala.

Sex dies in aquâ vixit planta nostra, petala  
ter sese expanderunt, terque clauferunt, sed ir-  
regulariter quoad tempus et durationem.

Sed præstat comparisonem prodere effectum  
inter absentiae et praesentiae lucis.

*Exp. XX.* Duo rami ejusdem plantae in aquâ  
immersi,

merfi, lucem in cubiculo meo liberè receperunt; fynchroni fuerunt in utroque motus.

8â die Julii, 4 P. M. expaffa petala.

11 P. M. idem.

9â die Julii, 7 A. M. claufa.

9 A. M. idem.

1 P. M. idem.

4 P. M. duo flores expanduntur.

11 P. M. omnes expaffi.

10â die Julii, 9 A. M. omnes claufi.

Eofdem per motus iverant, ideò ad comparationem idonei; nunc aliam in obfcuritate, aliam in luce collocavi.

### *Decima Die Julii.*

SILENE IN OBSCURO.

SILENE IN LUCE.

7 A. M. claufa.

9 A. M. claufa.

1 P. M. expaffa.

3 P. M. expaffa.

1 P. M. idem.

7 P. M. idem.

11 P. M. idem.

11 P. M. idem.

*Undecima.*

7 A. M. claudere incipiunt.      7 A. M. claudere incipiunt.

9 A. M. ad claudendum      9 A. M. ad claudendum

progrediuntur.

progrediuntur.

1 P. M. idem.

1 P. M. idem.

6 P. M. clausa.

6 P. M. expansa.

11 P. M. idem.

11 P. M. minus expansa.

*Duodecima.*

7 A. M. clausa.

7 A. M. ad claudendum

propensa.

1 P. M. fuerunt.

1 P. M. clausa et flaccida.

Nonne ex his concludendum est ?

1mo, Flores (primos admodum explicatos)  
quater successivè sese expandere et claudere.

2do, Motus irregularibus intervallis locum ha-  
bere, (in aquâ immersâ plantâ)

3tio, A luce non pendere motus, vel saltem  
absente luce haud fisci.

(Ramus



(Ramus luci expositus, ad finem experimenti leviter ab altero differre visus fuit, vis forsan major erat.)

Similes observationes ad plantas solo natali adhuc infixas eodem tempore institutæ, plenè cum supra dictis convenibant.

Si hoc solo experimento nifus, legem naturæ deducerem, et ponerem lucem nullo modo plantas irritabiles incitare, quantum errarem sequens comprobabit.

*Exp. XXI.* 16 die Julii, 7 P. M. *mimosam* in obscuro conclavi collocavi, a communicatâ agitatione contraxerant foliola.

17â die 9 A. M. expassâ erant.

1 P. M. idem.

7 P. M. idem.

11 P. M. idem.

18â die, 9 A. M. ut, necne sensibilitas ineffet,

E

observarem

observarem, duos petiolos tetigi, contractio obtinuit.

1 P. M. hi rursus expandi inceperunt.

- 8 $\frac{1}{2}$  P. M. perfecta erat eorum expansio.

19â, 7 A. M. expassa omnia foliola.

1 P. M. idem.

9 P. M. idem.

His perpensis, patet obscuritatem irritabilitati mimosæ infauſtam esse ; in cubiculum meum, 11 P. M. immisi, ad 12 usque candelæ luci exposita est.

20â die, 7 A. M. expassa.

1 P. M. idem.

7 P. M. omnia clausa,

21â, 6 A. M. expassa.

1 P. M. idem.

6 P. M. idem.

8 P. M. omnia clausa.

Ad 30am usque motus regulares observavi.

Si hîc loci *mimosam* et *ſilenem noctifloram* inter

er se conferamus, ubi nihil in deceptionem me-  
ucere poterat, quippe plantæ validæ erant et ir-  
regularibus intervallis notabantur, (ad quam rem  
icem in cubiculo intromittere non opus erat)  
onclusio perdifficillima mihi videtur; festina  
quidem erit donec numerosioribus experimen-  
s nitatur; sed hîc mihi concedatur, limites na-  
uræ tam angustos a philosophis præstitui, ut  
generales leges facillimè ex illis exoriantur.

Concludere igitur liceat, *motus in vegetabilibus*  
*irritabilia dictis, paucissimis legibus generalibus*  
*urere; sed media circumambientia in illa pro-*  
*rum naturâ peculiari, specifico modo agere; vel*  
*Item quod, si eadem sit via quâ natura hæc ve-*  
*tabiliter ad spontaneos motus (ut ita dicam) in-*  
*itat, illa nos etiamnum latet.*

Huic principio favet observatio sequens.

Si mimosæ ramum amputes, et in aquam im-  
ergas, regulariter multos in dies per motus ma-

nè vespereque progreditur; si tamen foliola tangas, nullus cietur motus; si ramus *berberidis* iisdem exponatur, nullam alterationem patitur pedunculus. Petiolum mimosæ in aquam si submergas, quamvis a luce non præcaveas, clausa remanent foliola; si ad superficiem natet, sese expandunt, motusque cursum solitum tenent.

---

## S E C T I O VI.

DOCTORIS DARWIN OPINIO PERPENSÆ.

CALIGINE obruta quasi nobis erat natura ad LINNÆUM usque; ex eo sicut sole, radii lucis emanârunt; in tria regna naturam accuratius ordinavit, objecto cuique situm proprium assignavit. In animali opus quasi præcipuum operatoris, in plantâ animalis sustentaculum vidit: minerale ambobus inservit; opere peracto obiit vir ille qui immortalis tamen est; stetit opus.

Illius

Illius fucceffores fapientiâ AUCTORIS NATURÆ  
haud indignum putârunt plantas *entia ſentientia*  
dicere, illasque ab animalibus utpotè et loque-  
lâ tantum deſtitutas diſtinguere. Illuſtriſſimus  
BONNET, Reipublicæ Genevenſis decus, pro merâ  
conjecturâ dederat eaſdem leges forſitan ani-  
male et vegetabile regnum ordinare.

Cæteris verò philoſophis amatiffimum argu-  
mentum eſt, ex animalibus ad vegetabilia  
gradus inſenſibiles eſſe ; ergo, utraque iifdem  
legibus parere ; nonne patet, reſpondeo, inſen-  
ſibiles ideoque eſſe in legibus mutationes vel  
gradus, idcirco in ſcalâ tantum in œconomiâ  
quantum in externo vultû differre poſſe.

Celeberrimus DARWIN, verus Angliæ Prome-  
theus, plantis animam addidit ; illarum ſocieta-  
tis leges inſtituit, ad hoc perfectum naturæ opus  
admiratione percitus, illarum amores cantavit ;  
nobile, æternum opus, ad ſummos montes gloria  
graditur. Vivunt plantæ, numeroſæ plerum-  
que

que in eodem loco, radicibus, ramis, foliisve intertextuntur; brachia, manus, ora in illis vidit: temporis vicissitudinibus exponuntur, animalibusque præda fiunt. DARWIN hoc tanquam maculam habuit, illarum vitæ oblectamenta pro consolatione uno verbo concedit, *amant*: Prometheus in fundo pixidis spem, DARWIN in fundo calycis amorem quæsit, invenit; sed ad ethnicos potius quam ad hodiernos talis pertineat opinio: hujus præclaræ sed fictitiæ ideæ infeliciter limites extenderunt nonnulli scriptores eandem regionem, non verò eodem ingenio occupantes.

*Epilobii angustifolii* perceptionem ad examen revocavi. Explicante sese flore pistillum in medio staminum curvatum est, secundâ verò die, se attollit, dum stygma quatuor suas partitiones expandit, extrorsumque evolvit; stamina varium situm et longitudinem habent, antheræ c densâ membranâ constant, quâ in longum diffissa exitum præbet pollini, stygmate impregnationem recipiendo. Idcirco huic fini adscribitur.



itur, pistilli ascensio, stygmatis expansio, antherarumque evolutio pari passu progressa.

*Exp. XXII.* Floris epilobii nuper expansi, pistillo adhuc curvato, stamina amputavi ; nullo modo pistillum decipere potui, sole enim lucente me stamina removentem planè percipere poterat, et excisis maribus quid foeminæ surgere opus erat ? ascendit nihilominus, brevem vitam egit, periitque. Sed timeo ne objiciatur, pistillum ascensû gravem dolorem quem moverit curvatura levâsse : An hoc philosophicum?

*Exp. XXIII.* Pistilli ascensio sine evolutione stygmatis, stygmatis evolutio sine pistilli ascensione nullum a staminibus beneficium deducere videntur ; idcirco cupidus illorum mutuum impulsu observandi, pistillum ne ascenderet gavi, sed postero die expanderunt stygmatis partitiones, staminaque pollen ejacularunt, sed pistilli vinculum *voluptatem* turbavit. Si impotens

tens fuerit pistillum cur evolverat stygma, cur eruperant stamina?

Clarior forsan foret conclusio ex experimento si de *systemate sexuali Linnæi* nullum dubium existeret: huic verò ego omninò credo.

Pauca de *sympathia* experimenta hâc in sectione locum petunt: Si ad conclusionem ducant, hâc scopus.

Candente acu varias mimosæ partes tetigi.

*Exp.* XXIV. Et primò ad medium folioli nervum tentavi, mox contraxit foliolum, mox tota digitatio pariter.

*Exp.* XXV. Parenchyma folioli eodem modo combussi, totaque digitatio decidit, brevi autem ascendit; in his tentaminibus persensibiles erant digitationes affectæ; foliolum nunquam postea expandit.

*Exp.*

*Exp.* XXVI. Idem cauterium petiolo applicavi ad locum e quo divergunt digitationes, sed nullus secutus est motus.

*Exp.* XXVII. Digitationis petiolus cauterium affusus est, contractio rapidè successit.

*Exp.* XXVIII. Ad genuformem articulationem petioli generalis acūm posui, illicò tota decidit planta.

*Exp.* XXIX. Ferrum candens in medium caulis implegi, profundumque ex ustione vulnus intuli, ne vel levissimè affecta fuit mimosa, valisquamque per dies persistit.

Ab his experimentis quidnam sit verè concludendum, arduum mihi videtur : leges sympathiæ limitesve mutuæ actionis intra partes omninò nos latent ; sed mihi concedatur, sensibilitatem in petiolo potiùs quam in caule sedem

habere, paucaque certè animalia grave vulnus in corpore impunè pati posse.

Immeritò pro argumento datum fuit, polypum, etsi animal, a successiva divisione haud destrui, partemque ablatam aliâ priori simili brevî refarcitam esse. Celeberrimus Professor BLUMENBACK de hoc velum erroris removit, in opere suo *De Generatione*, (p. 17.), inter multas Philosophicas communicationes, sequentem introducit : “ In one of my walks during some  
 “ holidays which I spent in the country, I discovered  
 “ covered in a stream a sort of green-armed polypus, which differed from the common green  
 “ kind by its long spiral body, and by having  
 “ short and rather immoveable tentacula. With  
 “ the wonders of this little animal, I intended  
 “ to amuse my country-friends. The delightful  
 “ warm summer weather which then prevailed,  
 “ and the hardy constitution of the polypus itself, favoured the experiments which  
 “ we made, to discover its power of reproduction,

tion, so much that the act of renewal of the parts became almost perceptible. By the second and third day, the maimed and divided animal was so many new ones, with arms, body, tail, &c. But we plainly remarked, that the regenerated animals, although supplied with plenty of proper food, were always much smaller than before, and a mutilated rump always diminished very evidently, both in length and diameter, in proportion as the last parts were renewed ;”—ulteriusque ait is philosophus, “ That attentive and accurate observer ROESEL seems to have noticed this fact.”

Quoad fedem irritabilitatis, haud uniformis est ; in *mimosa* Philosophus Genevensis *punctum* *albium*, vel folioli infitionem illius fitum habuit. In *berberidi* stamina solummodo moventur, si ad basim introrsum vel extrorsum excitantur.

Multa alia ad examen vegetabilia revocavi : *Hedysarum gyrans* irregulares motus in regionibus nostris exhibet, hinc multa deceptio. *Parnassia palustris*, *rutæ graveolentis*, *cisti helianthemi*, *œnotheræque biennis*, motum ad fibrarum incrementa facilè assigno. In *kalmiâ glaucâ* omnia a mechanicis causis pendere patet.

Experimentis enarratis, omnibusque ritè perpenfis, puto, vegetabilium irritabilitatis causam in lucem edi posse, etsi perceptione, sensatione, et volitione destituta ea supponam. Illorum habitus motusque ad ens organisatum pertinent, quod a medio circumambiente nutritionem obtinet, quod, si inepto in situ collocetur, degenerat, moritur ; quod etsi temporis varietatibus constanter exponatur, per varia incrementi stadia florescentiam, germinationem, finem denique vadit. Sed a partiali cum animalibus num tota similitudo deducenda venit ? Tametsi externè nequaquam differant, an anatomia corporis justè ad



anatomiam animæ ducit? An sapientiæ CRE-  
ORIS consentaneum esse potest, vegetabilia in-  
inenter prædam animalium tempestatumve  
æ, et simul sensationem, perceptionem, voli-  
nemque possidere, non verò ab injuriis præca-  
re? Sed hic objectio toties allata mihi oc-  
rrit, plantas armata esse entia, spinas, gladios,  
etidos odores saporesve præ se ferre, quibus  
pax insectum deprehendunt arcentve. Facile  
sponsum: paucissimæ sunt tales, armaque ani-  
malia a plantis venenosis potiùsqum plantas ab  
animalibus defendunt: mœstus *hyoscyami nigri*  
altus, acus *ononis natricis* ensesque *onopordi a-*  
*nthii*, quemadmodum putridum gas a *stapelia*  
*perfuta* emissum indicia sunt brutis, ne devoratis  
antis pericula mortemve adeant; imò et plan-  
e quas bellicosas putant aliis animalibus victum  
æbent; *stapelia* azylum muscæ dermestoque  
ppeditat; ex illis aliisque innumeris manifes-  
constat plantas pro animalibus existere.

*Plantæ, aiunt, putant voluntque; sed quare non loquuntur? Loquuntur sed demissè: Pro Hercule hoc nihil est nisi Driadum fabula! Ad conclusionem nunc transeam.*

Si in philosophiâ, si in naturæ investigatione studioque, si in veritate, irritabilitatis vegetabilium ratio quærenda veniat, hanc in prælectionibus DOCTORIS RUTHERFORD Almæ Academiæ nostræ medicinâ sagacissimi et amatissimi Professoris reperio; hæc omnibus arridet: hæc a naturâ ipsâ sigillo obfignari videtur: ILLE LINNÆI amator, imitator, in naturæ nucleum observationem, oculo, microscopio dirigit, in partibus integrantibus constituentibusque eam sequitur; ILLE *azoti detector*, sequens ratiocinium discipulis dat,

“ Analogia inter animalia et vegetabilia ultra  
 “ justos limites extendi videtur; hoc ex ignoran-  
 “ tiâ nostrâ oritur de inferioribus animalibus quo-  
 “ rum natura, uti ab auctoribus descripta, ad ac-  
 “ curatam

uratum indagationem nondum submissa fuit, nullisque certis rationibus nititur; quippe quod a ex hominis et cæterorum animantium perfectiorum organorum et functionum consideratione conjectura nata fuit. Pro certis pauca sequentia tantum habemus.

Nulli patuit nervos in plantis reverâ existere. Arteriæ venæque iisdem num defint, quales in corpore animali, haud ambiguum. Si per *irritabilitatem* intelligant, capacitatem ab externis corporibus affici, hæc in omnibus corporibus organis in communi adest. Si, vero, per hoc verbum in mente habeant, volitionem vimque muscularem voluntariam, manca est analogia.

Fibræ in plantis elongationis et decurtationis capaces sunt; at sibi invicem arctè non telâ laxâ cellulari connexæ, rami igitur rigidi, dum musculi molles flexibilesque sunt: si contractio in plantis fiat ad articulationem five insertionem

“ fit plicatura, intermedium spatium rectum ri-  
 “ gidumque remanet \*.

“ Plantæ ab animalibus admodum in organis  
 “ respiratoriis, gasque ab eis excretis differunt;  
 “ earum textura, principia chemica, combina-  
 “ tionesque valdè dissimilia; idcirco si tam  
 “ in functionibus discrepent, in œconomiâ quare  
 “ conveniunt?

“ Ex phænomenis meritò concluditur, motus  
 “ quibusdam in plantis observatos originem de-  
 “ bere, imo, aucto fibrarum incremento; 2do,  
 “ auctis partibus nonnullis præter alias; 3tio,  
 “ subitis, lentisve mutationibus in fluidorum dis-  
 “ tributione vasis contentorum, et rarefactione;  
 “ tales enim mutationes sæpissimè in plantis ob-  
 “ tineri possunt.”

Quartam rationem adducere veniam peto,  
 dum proprietates in plantis multum ab emissio-

ne

\* In *silene noctiflorâ* exceptionem video.

ne ingressive gas variorum exoriantur, nonne verisimile est contractionem et expansionem partium irritabilium talibus usibus haud levem præstare operam ?

Rationalem nostri dilectissimi Professoris opinionem confirmant pauca sequentia de discrimine animantia inter et plantas :

1mo, Illa, si pabulum e malo bonoque commixtum offeratur, sapienter optimum feligunt, alterumque rejiciunt. Hæ, in infusum hæmoxyli aliudve si mergas, haud aquam tantum absorbent, particulas verò rubras ad ramos altissimos exfugunt, unde dein pereunt.

2do, Si decidat animalis pars regulari tempore in anno, epidermis est aliave pars mita.

Vegetabilia perennia ad radicem usque in-

3tio, Animal post mortem irritabilitatem per dies fervat ; vegetabile nullam.

4to, In omnibus animalibus, eadem pars semper irritabilitatem possidet, dum in plantis multum diversa\*.

5to, Si illis acidum nitrosum acidumve muriaticum oxygenatum affundatur, luteo colore, si his, albido tinguntur.

6to, Acida alkalinaque majore vi in animalia quam in vegetabilia agunt.

7mo, Verissimè aiunt scriptores, qui plurimo judicio pollent, semina *erysimi alliariae* aliave per mille

\* Observationes clarissimorum JOHANNIS HUNTER et HOME de contractionibus et relaxationibus tæniæ hydatigenæ, aliorumque animantium quæ nullâ vi muscolari gaudere videbantur, hæc, aio, argumentum meum debilitare possent ; inter effectûs limites autem etsi ejusdem generis tantum est discrimen ut forsitan adhuc valeat.



Ille annos sub calcareis folis sepulta, haud fertilitatem amittere ; num quid simile in animalibus ?

Si, denique, ex arbore ramos removeas, qui restant, luxuriant ; si ex polypo, (is qui opinioni infauftissimus est), artus incidas, ad minorem magnitudinem redeunt.

Et nunc dixi de Irritabilitate plantarum, quam tot in ævo auctoribus tractatam novam tamen reperi. Velum in futurum removebitur, novis verbis scriptores haud nimis sese indulgeant, si fictitiis circum orbem navigatorum narrationibus haud cæcè credant, sique ipsius naturæ opibus studeant. Innumera adhuc arcana indagatori detegenda remanent, in quorum vel minimis mirabile artificium solertiaque patent.



